



74
6270
3



74
6270
3

羣書治要卷第六



水去五味均平歲

秘書監鉅鹿男臣魏徵等奉 勅撰

春秋左氏傳下

昭公

元年楚公子圍會于虢虢鄭邑也尋宋之盟也宋盟在襄

二十七年晉祁午謂趙文子曰宋之盟楚人得志於

晉得志謂先軟也今令尹之不信諸侯之所聞

也子弗戒懼又如宋恐楚復得志也楚重得志於晉晉

之耻也吾子其不可以不戒文子曰然宋之盟



作於

無音字

羣書治要

卷之六

十一



無世字

也。子木有禍人之心，武有仁人之心，是楚所以駕於晉也。駕，猶陵也。今武猶是心也，楚又行僭，僭，不信。非所害也。武將信以為本，循而行之，譬如農夫是。穠是裝，穠，耘也。裝，苗為裝。雖有飢饉，必有豐年，言耕鋤不以水早息必獲，且吾聞之，能信不為人下，吾未能也。豐年之收，自恐未能信也。詩曰：不僭不賊，鮮不為則，信也。僭，不信。賊，害人。能為人則者，不為人下矣。吾不能是難，楚不為患也。

三年，齊侯使晏嬰於晉，叔向從之。宴相與語，叔

向曰：齊其何如？問興衰也。晏子曰：此季世也。齊其為

陳氏矣。公弃其民，而歸於陳氏。弃民，不恤之也。公聚朽

蠹，而三老凍餒。三老，謂上壽中壽下壽，皆八十以上。國之諸市，屢

賤踊貴。踊，則足者屢也。言刑多也。民人痛疾，而或煨燠之。煨，燠

痛念之聲。謂陳氏也。其愛之如父母，而歸之如流水，欲無

獲民，將焉避之？叔向曰：然，雖吾公室，今亦季世

也。庶人罷弊，而官室滋侈。滋，益也。道殣相望，餓死為殣。而

女富溢尤。女，嬖寵之家也。民聞公命，如逃寇讎。政在家

門，大夫專政。民無所依，公室之卑，其何日之有？言今至也。

人作民

讒鼎之銘

讒鼎名

曰昧且平顯後世猶怠

昧且早起平大

也言夙興以務大顯後世猶懈怠

况日不悛

悛改也

其能久乎晉

之公族盡矣肝聞之公室將與其宗族枝葉先

落則公從之初景公欲更晏子之宅曰子之宅

近市湫隘躑塵不可以居

湫下隘小也躑聲塵土也

請更諸

爽塏者

爽明也塏燥也

辭曰君之先臣容焉

先臣晏子之先人也

臣不足以嗣之於臣侈矣

侈奢也

且小人近市朝

夕得所求小人之利也公笑曰子近市識貴賤

乎對曰既利之敢不識乎公曰何貴何賤於是

景公繁於刑有鬻踊者故對曰踊貴屢賤景公

為是省於刑君子曰仁人之言其利博哉晏子

一言而齊侯省刑

四年楚子使椒舉如晉求諸侯晉侯欲勿許司

馬侯曰不可楚王方侈天或者欲逞其心以厚

其毒而降之罰未可知也其使能終亦未可知

也唯天所相

相助也

不可與爭君其許之而修德

以待其歸若歸於德吾猶將事之况諸侯乎若

適淫虐楚將棄之

棄不以為君也

吾又誰與爭公曰晉

向作鄉

有三不殆其何敵之有也殆危也國險而多馬齊楚

多難多篡弒之難也有是三者何向而不濟對曰恃險

與馬虞鄰國之難是三殆也四嶽岱華衡常三塗陽

城太室荆山中南九州之險也是不一姓雖是天下

至險無德則滅亾冀之北土燕代也馬之所生無興國焉

恃險與馬不可以為固也從古以然是以先王

務修德音以亨神人亨通也不聞其務險與馬也

鄰國之難不可虞也或多難以固其國啓其疆

土或無難以喪其國失其守宇於國則四垂為宇若何

虞難齊有仲孫之難而獲桓公至今賴之仲孫公孫

無知晉有里平之難而獲文公是以為盟主衛邢

無難敵亦喪之閔二年狄滅衛僖二十五年衛滅邢故人之難不

可虞也恃此三者而不修政德亡於不暇又何

能濟君其許之紂作淫虐文王惠和殷是以殞

周是以興夫豈爭諸侯乃許楚子合諸侯于申

椒舉言於楚子曰臣聞諸侯無歸禮以為歸今

君始得諸侯其慎禮矣霸之濟否在此會也夏

啓有鈞臺之享啓禹子河南陽翟縣南有鈞臺陂商湯有景亳

六月四年

之命亳即偃師周武有孟津之誓成有岐陽之蒐康

有豐宮之朝穆有塗山之會齊桓有召陵之師

在僖四年晉文有踐土之盟在僖二十八年皆所以示諸侯

禮也諸侯所由用命也夏桀為仍之會有緡叛

之仍緡皆國名商紂為黎之蒐東夷叛之黎東夷國名周

幽為大室之盟戎狄叛之大室中嶽也皆所以示諸

侯汰也諸侯所由弃命也今君以汰無乃不濟

乎王弗聽子產見左師曰吾不患楚矣汰而復

諫不過十年左師曰然不十年侈其惡不遠遠

惡而後弃惡及遠方則人弃之善亦如之德遠而後興三十

年楚弑其君

五年公如晉自郊勞至于贈賄往有郊勞去有贈賄無失

禮揖讓之禮晉侯謂汝叔齊曰魯侯不亦善於禮乎

對曰魯侯焉知禮公曰何為自郊勞及贈賄禮

無違者何故不知對曰是儀也不可謂禮禮所

以守其國家行其政令無失其民者也今政令

在家在大夫不能取也有子家羈不能用也羈莊公玄

孫奸大國之盟凌虐小國謂伐昔取鄆利人之難謂往

年莒亂不知其私不自知公室四分民食於他

他謂三家思莫在公不圖其終無為公謀為國君難

將及身不恤其所禮之本末將於此乎在而屑

屑焉習儀以亟言以習儀為急言善於禮不亦遠乎君

子謂叔侯於是乎知禮時晉侯亦失政

晉韓宣子如楚送女叔向為介及楚楚子朝其

大夫曰晉吾仇敵也苟得志焉無恤其他今其

來者上卿上大夫也若吾以韓起為閹別足使守門也

以羊舌肸為司宮加宮刑也足以辱晉吾亦得志矣

可乎大夫莫對蘧啓疆曰可苟有其備何故不

可耻匹夫不可以無備况耻國乎是以聖王務

行禮不求耻人城濮之役在僖二晉無楚備以

敗於邲在宣十邲之役楚無晉備以敗於邲在

十六年自鄆以來晉不失備而加之以禮重之以

睦君臣和也是以楚弗能報而求親焉既獲姻親又

欲耻之以召寇讎備之若何言何以備誰其重此

言怨重也若有其人耻之可也謂有賢人以敵若其

未有君亦圖之晉之事君臣曰可矣求諸侯而

麋至也、麋群也求婚而薦女薦進君親送之上卿及上

大夫致之猶欲耻之君其亦有備矣不然奈何

君將以親易怨失婚姻之親實無禮以速寇而未有

其備使群臣往遺之禽以逞君心何不可之有

王曰不穀之過也大夫無辱謝遠啓疆厚為韓子禮

六年鄭人鑄刑書鑄刑書於鼎以爲國之常法叔向使詒子

產書曰昔先王議事以制不為刑辟懼民之有

爭心也臨事制刑不豫設法法豫設則民知爭端猶不可禁禦是故

閑之以義閑防也糾之以政行之以禮守之以信

奉之以仁奉養也制為祿位以勸其從勸從也嚴斷

刑罰以威其淫淫放也懼其未也故誨之以忠聳

之以行聳懼也教之以務時所急也使之以和悅以使民臨

之以敬莅之以彊施之於事為莅斷之以剛義斷恩也猶求

聖哲之上明察之官上公王也官卿大夫也忠信之長慈

惠之師民於是乎可任使也而不生禍亂民知

有辟則不忌於上權移於法故民不畏上也並有爭心以徵

於書而徼幸以成之因危文以生爭緣徼幸以成其巧偽也弗可

為矣為治也夏有亂政而作禹刑商有亂政而作

湯刑夏商之亂著禹湯之法言不能議事以制周有亂政而作九刑

周之衰亦為刑三辟之興皆叔世也言刑書不起於始盛

世今吾子相鄭國制參辟鑄刑書制參辟謂用三代之末法

將以靖民不亦難乎詩曰儀式刑文王之德日

靖四方言文王以德為儀式故能日有安靖四方之功刑法也又曰儀刑

文王萬邦作孚言文王作儀法為天下所信也如是何辟之有

言詩唯以德與信不以刑民知爭端矣將弃禮而徵於書刑

書為徵錐刀之末將盡爭之錐刀末喻小事亂獄滋豐賄

賂並行終子之世鄭其敗乎胥聞之國將亡必

多制數改法也其此之謂乎復書曰若吾子之言復報

也僑不才不能及子孫吾以救世也

晉韓宣子之適楚楚人弗逆公子弃疾及晉境

晉侯將亦弗逆叔向曰楚僻我衷僻邪衷正若何效

僻書曰聖作則也則法也無寧以善人為則無寧寧也而

則人之僻乎匹夫為善民猶則之况國君乎晉

侯悅乃逆

七年楚子之為令尹也為王旌以田王旌游至於軫芋

尹無宇斷之曰一國兩君其誰堪之及即位為

章華之宮納亡人以實之無宇之闔入焉有罪亡入

章華宮無宇執之有司弗與曰執人於王宮其罪

大矣執而謁諸王執無字也無宇辭曰天子經略經營

天下略諸侯正封封疆有定分古之制也封略之內

何非君土食土之毛誰非君臣毛草也天有十日

甲至癸人有十等王至臺下所以事上上所以供神

也今有司曰汝胡執人於王宮將焉執之周文

王之法曰有亡荒閱荒大也閱蒐也有亡當大蒐其衆也所以

得天下也吾先君文王楚文王也作僕區之法僕區刑書

名曰盜所隱器隱盜所得器與盜同罪所以封汝也

行善法故能啓疆北至汝水也若從有司是無所執逃臣也逃

而舍之王事無乃闕乎昔武王數紂之罪以告

諸侯曰紂為天下逋逃主萃淵藪萃集也天下逋逃悉以紂

為淵藪集而歸之故夫致死焉人欲致死討紂也君王始求諸

侯而則紂無乃不可乎若以二文之法取之盜

有所在矣言王亦為盜王曰取而臣以往往去也盜有

寵未可得也盜有寵王自謂也遂舍之赦無字也

八年石言于晉魏榆魏榆晉地晉侯問於師曠曰石

言何也

師曠曰石言木也

木之有言也

言何也

言何也

何故言對曰石不能言或憑焉謂有精神憑依石而言也不

然民聽濫濫失也抑臣又聞之抑疑也曰作事不時

怨讟動於民則有非言之物而言今宮室崇侈

民力雕盡雕傷也怨讟並作莫保其性性命也民不敢自保

其性命也石言不亦宜乎於是晉侯方築虎祁之宮

虎祁地名叔向曰子野之言君子哉子野師曠字也君子之

言信而有徵故怨遠於其身怨咎遠其身也小人之言

僭而無徵故怨咎及之是宮也成諸侯必叛君

必有咎夫子知之矣叔弓如晉賀虎祁也賀官成

游吉相鄭伯以如晉亦賀虎祁也史趙見子大

叔曰甚哉其相蒙蒙欺也可弔也而亦賀之大叔

曰若何弔也其非唯我賀將天下實賀言諸侯畏晉非

獨鄭九年周甘人與晉閻嘉爭閻田甘人甘大夫閻嘉閻縣大夫

晉梁丙張趯率陰戎伐潁陰戎陸渾之戎潁周邑王使詹

桓伯辭於晉辭責讓之也曰文武成康之建母

弟以藩屏周亦其廢墜是為為後世廢墜兄弟之國當救濟之也

先王居櫛杙于四裔以禦螭魅言櫛杙略舉四凶之一也故

允姓之姦居于瓜州

允姓陰戎之祖與三苗俱放於三危也瓜州今敦煌

也伯父惠公歸自秦而誘以來

僖公十五年晉惠公自秦歸二

十二年秦晉遷陸渾之戎於伊川

使逼我諸姬入我郊甸戎有

中國誰之咎也

咎在晉

后稷封殖天下今戎制之

不亦難乎

后稷修封疆殖五穀今戎得之唯畜牧也

伯父圖之我在

伯父猶衣服之有冠冕木水之有本源民人之

有謀主也

民人謀主宗族之師長

伯父若裂冠毀冕拔本

塞源專弃謀主雖戎狄其何有余一人

伯父猶然則雖

戎狄無所可責

叔向謂宣子曰文之伯也豈能改物

言

公雖羈未能改正朔易服色

翼戴天子而加之以恭

翼佐自

文以來世有衰德而暴蔑宗周

宗周天子

以宣示其

侈諸侯之貳不亦宜乎且王辭直子其圖之宣

子悅使趙成如周致閻田反潁俘

欒郎囿季平子欲其速成叔孫昭子曰詩云經

始勿亟庶人子來

言文王始經營靈臺非急疾之衆民自以子義來勸樂為

焉用速成其以勦民也

勦勞也

無囿猶可無民

其可乎

十二年楚子次于乾谿

在譙國城父縣南

僕析父從

楚大

夫右尹子革夕子革鄭丹也夕暮見也王見語曰今吾使

人於周求鼎其與我乎對曰與君王哉今周服

事君王將唯命是從豈其愛鼎王曰昔我皇祖

伯父昆吾舊許是宅陸終氏生六子長曰昆吾少曰季連季連楚之祖故

謂昆吾為伯父也昆吾嘗居許故曰舊許是宅也今鄭人貪賴其田而

不我與我若求之其與我乎對曰與君王哉周

不愛鼎鄭何敢愛田王曰昔諸侯遠我而畏晉

今我大城陳蔡不羹賦皆千乘諸侯其畏我乎

對曰畏君王哉是四國者專足畏也四國陳蔡二不羹也

又加之以楚敢不畏君王乎王入析父謂子革

曰吾子楚國之望也今與王言如響國其若之

何譏其順王心如響應聲子革曰摩厲以須王出吾刃將

斬之矣以已喻鋒刃欲自摩厲以斷王之淫慝王出復語左史倚

相趨過倚相楚史名也王曰是良史也能讀三墳五典

八索九丘皆古書名對曰臣嘗問焉昔穆王欲肆其

心周穆王肆極也周行天下將皆必有車轍馬跡焉祭

公謀父作祈招之詩以止王心謀父周卿士也祈父司馬掌甲

兵之職招其名王是以獲沒於祗宮獲沒不見篡弒臣問其詩

而不知也若問遠焉其焉能知之王曰子能乎

對曰能其詩曰祈招之悒悒式昭德音悒悒安和貌也

式用也思我王度式如玉式如金金玉取其堅重形民

之力而無醉飽之心言國之用民當隨其力任如金冶之器隨器而制形

故言形民之力去其醉飽過盈之心王揖而入饋不食寢不寐數

日深感子革之言不能自克以及於難克勝也仲尼曰古

也有志克已復禮仁也信善哉楚靈王若能如

此豈其辱於乾谿

十三年季平子立而不禮於南蒯南蒯季氏南費邑宰也

蒯以費叛叔弓圍費弗克敗焉為費人所敗平子怒

令見費人執之以為囚俘冶區夫曰非也區夫魯大夫

夫若見費人寒者衣之饑者食之為之令主而

共其乏困費來如歸南氏亡矣民將叛之誰與

居邑若憚之以威懼之以怒民疾而叛為之聚

也若諸侯皆然費人無歸不親南氏將焉入乎

平子從之費人叛南氏

十五年晉荀吳帥師伐鮮虞圍鼓鼓白狄之別鼓人

請以城叛穆子弗許左右曰師徒不勤而可以

獲城何故不為穆子曰吾聞之叔向曰好惡不
 愆民知所適事無不濟愆過也適歸也或以吾城叛吾
 所甚惡也人以城來吾獨何好焉賞所甚惡若
 所好何無以復加所好若其弗賞是吾失信也何以庇
 民力能則進否則速退量力而行吾不可以欲
 城而邇姦所喪滋多使鼓人殺叛人而繕守備
 圍鼓三月鼓人或請降使其民見曰猶有食色
 姑修而城軍吏曰獲城而弗取勤民而頓兵何
 以事君也穆子曰吾以事君也獲一邑而教民

怠將焉用邑邑以賈怠不如完舊完猶保守賈怠無

卒卒終也弃舊不祥鼓人能事其君我亦能事吾

君率義不爽好惡不愆城可獲而民知義所知

在有死命而無二心不亦可乎鼓人告食竭力

盡而後取之克鼓而反不戮一人

十八年火始昏見火心星也梓慎曰七日其火作乎

宋衛陳鄭也數日皆來告火裨竈曰不用吾言

鄭又將火前年裨竈欲用瓘鄭人請用之子產

不可子大叔曰寶以保民也若有火國幾亡可

舊無衛
字補之

以救亡子何愛焉子產曰天道遠人道邇非所及也何以知之寵焉知天道是亦多言矣豈不或信多言者或時有中也遂不與亦不復火

十九年楚子之在蔡也生太子建及即位使伍奢為之師費無極為少師無寵焉欲譖諸王曰建可室矣王為之聘於秦無極與逆勸王取之

楚子為舟師以伐濮濮南夷也無極言於楚子曰晉之伯也邇於諸夏而楚僻陋故弗能與爭若大城城父而寘太子城父今襄城城父縣以通北方王收南

方是得天下王說從之故太子建居于城父鄭大水龍鬪于時門之外洧淵時門鄭城門也國人請

為禱焉子產弗許曰我鬪龍不我覲覲見也龍鬪我何覲焉禳之則彼其室也淵龍之室吾無求於龍

龍亦無求我乃止也言子產之智二十年費無極言於楚子曰建與伍奢將以方城之外叛齊晉又交輔之將以害楚其事集矣

王信之問伍奢奢對曰君一過多矣一過納建妻何信于讒王執伍奢忿奢切言使城父司馬奮揚殺太

子未至而使遣之知太子冤故遣令去太子建走宋王召

奮揚奮揚使城父人執已以至王曰言出於余

口入於爾耳誰告建也對曰臣告之君王命臣

曰事建如事余臣不佞佞才也不能苟貳奉初以

還奉初命以周旋不忍後命故遣之既而悔之亦無及

已王曰而敢來何也對曰使而失命召而不來

是再奸也奸犯也逃無所入王曰歸從政如他日

善其言舍使還無極曰奢之子才若在吳必憂楚國盍

以免其父召之彼仁必來不然將為患王使召

之曰來吾免而父棠君尚謂其弟員棠君奢之長子曰

爾適吳我將歸死吾智不逮自以智不及員我能死爾

能報聞免父之命不可以莫之奔也親戚為戮

不可以莫之報也父不可棄俱去為棄父也名不可廢

俱死為廢名爾其勉之伍尚歸奢聞員不來曰楚君

大夫其盱食乎將有吳患不得早食楚人皆殺之員如吳

言伐楚之利於州于州于吳子僚也

齊侯疥遂疢疢瘧疾也期而不瘳諸侯之賓問疾者

多在多在齊梁丘據與裔款二子齊嬖大夫言於公曰吾

春秋左傳卷之六

求舊作
魏改之

事鬼神也。豐於先君有加矣。今君疾病，為諸侯憂，是祝史之罪。諸侯不知，其謂我不敬。君盍誅於祝固，史嚚以辭賓。欲殺嚚固以辭謝來問疾之賓。公悅，告晏子。晏子對曰：日宋之盟，屈建問范會之德於趙武。武曰：夫子之家事治，言於晉國，竭情無私。其祝史祭祀，陳信不媿，其家事無猜，其祝史不祈，人無怨，宜夫子之光輔五君，以為諸侯主也。五君，文襄靈成景也。公曰：據與欵，謂寡人能事鬼神，故欲誅

於祝史，子稱是語也。何故？對曰：若有德之君，外內不廢，上下無怨，動無違事，祝史薦信，無愧心矣。君有功德，祝史陳說之，無所愧。是以鬼神用饗，國受其福。祝史與焉。與受國福也。其所以蕃祉老壽者，為信君使也。其適遇淫君，外內頗邪，上下怨疾，動作辟違，斬刈民力，暴虐淫縱，肆行非度，不思謗讟，不憚鬼神，神怒民痛，無悛於心。其祝史薦信，是言罪也。以實白神，是為言君之罪。其蓋失數美，是矯誣也。蓋也。進退無辭，則虛以求媚。作虛辭，以神求媚於神。是以鬼神

不饗其國以禍之祝史與焉所以天昏孤疾者為暴君使也公曰然則若之何對曰不可為也

言非誅祝史所能治

山林之木衡鹿守之澤之萑蒲舟鮫

守之藪之薪蒸虞候守之海之鹽蜃祈望守之

衡鹿舟鮫虞候祈望皆官名也言公專守山澤之利不與民共

布常無藝藝法制也

言布政無法制

徵斂無度宮室日更淫樂不違違去也內

寵之妾肆棄於市肆放也

外寵之臣僭令於鄙詐為

教令於邊鄙也

民人苦病夫婦皆詛祝有益也詛亦有

損聊攝以東聊攝齊西界也

姑尤以西姑尤齊東界也

其為人

也多矣雖其善祝豈能勝億兆人之詛耶君若

欲誅於祝史修德而後可公悅使有司寬政毀

關去禁薄斂已責齊侯至自田晏子侍于遯臺

子猶馳而造焉子猶梁丘據

公曰唯據與我和夫晏

子對曰據亦同也焉得為和公曰和與同異乎

對曰異和如羹焉水火醯醢鹽梅以烹魚肉宰

夫和之齊之以味濟其不及以泄其過濟益也泄減也

君子食之以平其心君臣亦然亦如羹

君所謂可

而有否焉臣獻其否以成其可獻君之否以成君可

君所

謂否而有可焉，臣獻其可以去其否，是以政平而不姦，民無爭心。今據不然，君所謂可，據亦曰可。君所謂否，據亦曰否。若以水濟水，誰能食之？若琴瑟之專壹，誰能聽之？同之不可也。如是，二十五年會于黃父，鄭子太叔見趙簡子，簡子問揖讓周旋之禮焉。對曰：是儀也，非禮也。簡子曰：敢問，何謂禮？對曰：吉也。聞諸先大夫子產曰：夫禮，天之經，經者道之常也，地之義，義者利之宜也，民之行，行人所履。天地之經，而民實則之，則天之明，日月星辰。

明也，因地之性，高下剛柔地之性也，生其六氣，陰陽風雨晦明，用其

五行，金木水火土也，氣為五味，酸醎辛苦甘，發為五色，青黃赤白。

黑發見也，章為五聲，宮商角徵羽，淫則昏亂，民失其性，滋味。

聲色過則傷性也，是故為禮以奉之，制禮以奉其性，民有好惡。

喜怒哀樂生于六氣，此六者皆稟陰陽風雨晦明之氣，是故審

則宜類以制六志，為禮以制好惡喜怒哀樂六志使不過節，哀有哭

泣，樂有歌舞，喜有施舍，怒有戰鬪，哀樂不失，乃

能協于天地之性，是以長久，協和也。簡子曰：甚哉

禮之大也。對曰：禮，上下之紀，天地之經緯也，經緯。

錯居以相成也民之所以生也，是以先王尚之，故人之能自由直以赴禮者，謂之成人，大不亦宜乎。直曲

以弼其性簡子曰：鞅也，請終身守此言也。

二十六年，齊有彗星。出齊之分野齊侯使禳之。禳，除也。晏

子曰：無益也，祇取誣焉。誣，欺也。天道不諂，諂也，疑不

貳其命，若之何禳之。且天之有彗，以除穢也。君

無穢德，又何禳焉。若德之穢，禳之何損。詩曰：惟

此文王，小心翼翼，昭事上帝，聿懷多福，厥德不回，以受方國。翼翼，恭也。聿，惟也。回，違也。言文王德不違天人，故四方之國歸往之。

君無違德，方國將至，何患於彗。詩曰：我無所監，

夏后及商，用亂之故，民卒流亡。若德回亂，民將

流亡，祝史之為，無能補也。公悅，乃止。

齊侯與晏子坐于路寢，公歎曰：美哉室，其誰有

此乎。景公自知德不能久，有國故歎也。晏子曰：敢問，何謂也。公

曰：吾以為在德。對曰：如君之言，其陳氏乎。陳氏

雖無大德，而有施於民，公厚斂焉，陳氏厚施焉，

民歸之矣。詩曰：雖無德與汝，式歌且舞。義取雖無大德，

要有喜悅之心，式，用也。陳氏之施，民歌舞之矣。後世若少

情陳氏而不亡則國其國也已公曰善哉是可
 若何對曰唯禮可以已之在禮家施不及國大
 夫不收公利不作福也公曰善哉我不能矣吾今而
 後知禮之可以為國也對曰禮之可以為國也
 久矣與天地並君令臣恭父慈子孝兄愛弟敬
 夫和妻柔姑慈婦聽禮也君令而不違臣恭而
 不貳父慈而教子孝而箴箴諫也兄愛而友弟敬
 而順夫和而義妻柔而正姑慈而從從不自專也婦
 聽而婉婉順也禮之善物也公曰善哉

二十七年楚左尹卻宛直而和國人悅之以直事君

以和接類鄢將師為右領右領官名與費無極比而惡之

謂子常曰子惡欲飲子酒子惡卻宛又謂子惡令尹

欲飲酒於子氏子惡曰令尹將必來辱為惠已

甚吾無以酬之若何酬報無極曰令尹好甲兵

子出之吾擇焉取五甲五兵曰寘諸門令尹至

必觀之而從以酬之及饗日帷諸門左張帷陳兵甲其

中無極謂令尹曰吾幾禍子子惡將為子不利

甲在門矣子無往令尹使視卻氏則有甲焉不

往召鄆將師而告之將師退遂令攻卻氏且熱也之也子惡聞之自殺國人弗熱令尹炮之炮

也盡滅卻氏之族黨殺陽令終與晉陳及其子

弟皆卻國言未已進胙者莫不謗令尹進胙國中祭祀

也沈尹戌言於子常曰夫左尹與中厖尹莫

知其罪而子殺之以興謗讟至於今不已左尹

也也今吾子殺人以興謗而弗圖不亦異乎夫無

極楚之讒人也民莫不知去朝吳在十五年出蔡侯

朱在二十一年喪太子建殺連尹奢在二十一年屏王之耳

目使不聰明不然平王之温惠恭儉有過成莊

所以不獲諸侯邇無極也邇近也今又殺三不辜

以興大謗三不辜卻氏幾及子矣子而不圖將

焉用之夫鄆將師矯子之命以滅三族三族國

之良也吳新有君光新立疆場日駭楚國若有大

事子其危哉智者除讒以自安今子愛讒以自

危甚矣其惑也子常曰是互之罪敢不良圖子

常殺費無極與鄆將師盡滅其族以說于國謗

言乃止

二十八年，晉魏獻子為政，魏舒也以司馬彌牟為

鄆大夫，賈辛為祁大夫，司馬烏為平陵大夫，魏

戍為梗陽大夫，戍，魏舒庶子謂賈辛司馬烏為有力

於王室，二十二年，辛烏帥師納敬王故舉之，魏子謂成鱣，鱣，晉

夫，吾與戍也，縣人其以我為黨乎？對曰：何也？戍

之為人也，遠不忘君，遠，疎也近不偪同，不偪，同位居利

思義，不苟得在約思純，無濫心雖與之縣，不亦可乎？

昔武王克商，光有天下，其兄弟之國者十有五

人，姬姓之國者四十人，皆舉親也。夫舉無他，唯

善所在，親疎一也。賈辛將適其縣，見於魏子，魏

子曰：辛來，今汝有力於王室，吾是以舉汝，行乎？

敬之哉！母墮乃力，墮，損也仲尼聞魏子之舉也，以

為義，曰：近不失親，謂舉魏戍也遠不失舉，以賢舉可謂義

矣。又聞其命賈辛也，以為忠，先賞王室之功，故為忠也曰：魏

子之舉也，義其命也，忠其長有後於晉國乎？梗

陽人有獄，魏戍不能斷，以獄上，上，魏子其大宗賂

以女樂，訟者之大宗魏子將受之，魏戍謂闔沒女寬

二人、魏子屬大夫曰、主以不賄聞於諸侯、若受梗陽人

賄、莫甚焉、吾子必諫、皆許諾、退朝待於庭、魏子之庭

饋入、召之、召二大夫食比置三歎、魏子曰、吾聞諸伯

叔、諺曰、唯食忘憂、吾子置食之間三歎、何也、同

辭而對曰、或賜二小人酒、不夕食、言饑甚饋之始

至、恐其不足、是以歎、中置、自咎曰、豈將軍食之

而有不足、是以再歎、及饋之畢、願以小人腹為

君子心、屬厭而已、屬足也、言小人之腹飽、猶知厭足、君子心亦宜然獻

子辭梗陽人、言魏氏所以興

定公

四年、鄭子大叔卒、晉趙簡子為之臨、甚哀、曰、黃

父之會、在昭二十五年夫子語我九言曰、無始亂、無怙

富、無恃寵、無違同、無敖禮、無驕能、以能驕人無復怒、

復、重也無謀非德、非所謀無犯非義、言簡子能用善言、所以遂興也

吳子伐楚、陳于柏舉、敗之、五戰及郢、楚子濟江

入于雲中、入雲夢澤中王寢盜攻之、以戈擊王、王孫

由于以背受之、中肩、王奔鄖、鄖公辛之弟懷將

弑王、曰、平王殺吾父、我殺其子、不亦可乎、辛、蔓成然

之子鬪辛也，昭十四年，楚平王殺成然也。辛曰：君討臣，誰敢讎之？君

命天也。若死天命，將誰讎？詩曰：柔亦不茹，剛亦

不吐，不侮鰥寡，不畏彊禦，唯仁者能之。言仲山甫不避

疆凌弱也。違彊凌弱，非勇也。乘人之約，非仁也。滅宗

廢祀，非孝也。殺君罪，應滅宗。動無令名，非智也。必犯是

余將殺汝。鬪辛與其弟巢，以王奔隨。申包胥如

秦乞師曰：吳為封豕長蛇，以荐食上國。荐，數也。言吳貪

害如蛇豕。寡君失守社稷，越在草莽，使下臣告急。秦

伯使辭焉曰：寡人聞命矣。子姑就館，將圖而告。

對曰：寡君越在草莽，未獲所伏。伏，猶處也。下臣何敢

即安，立依庭牆而哭，日夜不絕聲，勺飲不入口。

七日，秦師乃出。

五年，申包胥以秦師至，吳師大敗。吳子乃歸，楚

子入于郢，初，楚王之奔隨也，將涉於成臼。江夏竟陵

縣西有白水。藍尹豐涉其帑。豐，楚大夫。不與王舟，及寧，王

欲殺之。寧，安定也。子西曰：子常唯思舊怨，以敗君，何

效焉？王曰：善，使復其所。吾以志前惡。惡，過。王賞鬪

辛，王孫由于、申包胥鬪懷。皆從王有大功。子西曰：請舍

懷也。以初謀殺王故。王曰：大德滅小怨，道也。終從其兄，免王大難。

是大德也。申包胥曰：吾為君也，非為身也。君既定矣。

又何求？且吾尤子旗，其又為諸。子旗，蔓成然也。以有德於平王。

求無厭，平王殺之。遂逃賞。

九年，鄭駟歛殺鄧析，而用其竹刑。鄧析，鄭大夫，欲改鄭所鑄

之舊制，不受君命而私造刑法，書之於竹簡，故言竹刑也。君子謂子然於是

不忠，苟有可以加於國家者，弃其邪可也。加，猶益，弃

不責其邪惡也。故用其道，不弃其人。詩云：蔽芾甘棠，勿

剪勿伐。召伯所茇。召伯，決訟於甘棠之下，詩人思之，不伐其樹，茇，草舍也。

思其人，猶愛其樹，况用其道而不恤其人乎？子然無以勸能矣。

哀公

元年，吳王夫差敗越于夫椒，遂入越。越子以甲

楯五千，保于會稽。上會稽山。使大夫種因吳太宰嚭

以行成。吳子將許之。伍員曰：不可。臣聞之，樹德

莫如滋，去疾莫如盡。勾踐能親而務施，施不失

人。所加惠賜，皆得其人。親不棄勞。推親愛之誠，則不遺小勞。與我同壤

而世為仇讎，於是乎克而弗取，將又存之，違天

長寇讎後雖悔之不可食已食消也弗聽退而

告人曰二十年之外吳其為沼乎謂吳宮室廢

越入吳越及吳平吳之入楚在定四年使召陳懷

公懷公朝國人而問焉曰欲與楚者右欲與吳

者左陳人從田無田從黨無田者從逢猶當公

而進不左不右曰臣聞國之興也以福其亡也以禍

今吳未有福楚未有禍楚未可棄吳未可從也

公曰國勝君亡非禍而何楚為吳所勝也對曰國之有

是多矣何必不復小國猶復况大國乎臣聞國

之興也視民如傷是其福也如傷恐其亡也以

民為土芥是其禍也芥草也楚雖無德亦不艾殺

其民吳日敝於兵暴骨如莽而未見德焉禍之

適吳其何日之有言今至也陳侯從之及夫差克越

乃脩舊怨言吳不脩德而吳師在陳楚大夫皆

懼曰闔廬惟能用其民以敗我於柏舉今聞其

嗣又甚焉將若之何子西曰二三子恤不相睦

無患吳矣昔闔廬食不二味居不重席室不崇

壇平地作室器不彤鏤形丹也宮室不觀觀臺

舟車不飾衣服財用擇不取費選取堅厚不尚細靡在國

天有灾癘親巡孤寡而供其乏困在軍熟食者

分而後敢食分猶遍其所嘗者卒乘與焉所嘗甘珍非常

勤恤其民而與之勞逸是以民不疲勞死知

不曠知身死不見曠棄吾先大夫子常易之所以敗我

易猶反今聞夫差次有臺榭陂池焉宿有妃嬙嬪

御焉妃嬙貴者嬪御賤者皆內官也一日之行所欲必成玩好

必從珍異是聚觀樂是務視民如讎而用之日

新夫先自敗也已安能敗我

六年楚有雲如衆赤鳥夾日而飛三日楚子使

問諸周太史周太史曰其當王身乎日為人君妖氣守之

故為當王身若禘之可移於令尹司馬祭禘禳王曰除

腹心之疾而寘諸股肱何益不穀不有大過天

其天諸有罪受罰又焉移之遂不禘孔子曰楚

昭王知大道矣其不失國也宜哉

十一年吳子將伐齊越子率其衆以朝焉王及

列士皆有饋賂吳人皆喜唯子胥懼曰是豢吳

也夫豢養也若人養犧性非愛之將殺之諫曰越在我心腹之疾

也壤地同而有欲於我欲得吳也得志於齊猶獲石

田也無所用之石田不可耕越不為沼吳其泯矣使

醫除病而曰必遺類焉者未之有也弗聽使於

齊屬其子於鮑氏為王孫氏欲以避吳禍反役王聞

之使賜之屬鏹以死屬鏹劍名將死曰樹吾墓櫨櫨

可材也吳其亡乎三年其始弱矣盈必毀天之

道也越人朝之伐齊勝之盈之極

季孫欲以田賦丘賦之法因其田財通出馬一匹牛三頭今欲別其田及家財

各為一賦故言田賦使冉有訪諸仲尼仲尼不對不公而

私於冉有曰君子之行也行政事度於禮施取其

厚事舉其中歛從其薄如是則丘亦足矣丘十六井

若不度於禮而貪冒無厭則雖以田賦將又不

足且子季孫若欲行而法則周公之典在若欲

苟而行之又何訪焉

十四年小邾射以句繹來奔曰使季路要我吾

無盟矣子路信誠故欲得與相要誓而不須盟也使子路子路辭季

康子使冉有謂之曰千乘之國不信其盟而信

子之言子何辱焉對曰魯有事于小邾不敢問

故死其城下可也彼不臣而濟其言是義之也

由弗能也濟成

二十四年公子荆之母嬖荆哀公庶子將以為夫人

使宗人豐夏獻其禮宗人禮官對曰無之公怒曰汝

為宗司立夫人國之大禮也何故無之對曰周

公及武公娶於薛武公敖也孝惠娶於商孝公稱惠公弗皇也

自桓以下娶於齊桓公始娶文姜此禮也則有若以

妾為夫人則固無其禮也公卒立之而以荆為

太子國人始惡之也惡公也

羣書治要卷第六

羣書治要卷第七

秘書監鉅鹿男臣魏徵等奉 勅撰

禮記

曲禮

曲禮曰毋不敬禮主於敬儼若思言人坐思貌必儼然安定辭

審言也安民哉此三句可傲不可長欲不可從志

不可滿樂不可極此四者慢遊之道賢者狎而

敬之狎習也近也畏而愛之心服曰畏愛而知其惡

憎而知其善不可以已心之愛夫禮者所以定

以善之作之

親疏決嫌疑別同異明是非也道德仁義非禮不成教訓正俗非禮不備分爭辨訟非禮不決君臣上下父子兄弟非禮不定宦學事師非禮不親班朝治軍莅官行法非禮威嚴不行禱祠祭祀供給鬼神非禮不誠不莊班次也莅臨也莊敬也富貴而知好禮則不驕不淫貧賤而知好禮則志不懾懾懼猶怯惑國君春田不圍澤大夫不掩羣士不取麇卵生乳之時重傷其類歲凶年穀不登登成也君膳不祭肺馬不食穀馳道不除祭事不縣大夫不食

則祭所先作殺牲則祭先

梁士飲酒不樂皆自為貶損憂民也禮食則祭所先不祭肺則不殺除治也縣樂器鐘磬之屬也

檀弓

知悼子卒未葬悼子晉大夫荀盈也平公飲酒師曠李調侍鼓鐘杜蕢自外來歷階而升堂酌曰曠飲斯又酌曰調飲斯又酌堂上北面坐飲之降趨而出三酌皆酌爵平公呼而進之曰蕢爾飲曠何也曰子卯不樂紂以甲子死桀以乙卯亡王者謂之疾日不以舉樂所以自戒懼也知悼子之喪在堂未葬斯其為子卯也大矣言大夫喪

重於疾日曠也大師也不以詔是以飲之詔告也太師典司奏

也樂爾飲調何也曰調也君之褻臣也為一飲一

食忘君之疾是以飲之言調食酒食也褻嬖也近臣亦當規君疾憂也

爾飲何也曰蕢也宰夫也非刀匕是供又敢與

知防是以飲也防禁放溢者也平公曰寡人亦有過焉

酌而飲寡人則聞義服杜蕢洗爵而揚觶舉爵於君公謂

侍者曰如我死則必無廢斯爵欲後世戒至于今

既畢獻斯揚觶謂之杜舉此爵遂因杜蕢為名畢獻獻賓與君也

孔子過泰山側有婦人哭於墓者而哀夫子式

子貢作子路

而聽之怪其哀甚也使子貢問之曰昔吾舅死於虎

吾夫又死焉今吾子又死焉夫之父曰舅夫子曰何

為不去曰無苛政夫子曰小子識之苛政猛於

虎也陽門之介夫死陽門宋國門也介夫甲冑衛士司城子罕

入而哭之哀子罕樂喜也晉人之胡宋者反報於晉

侯曰陽門之介夫死而子罕哭之哀而民悅殆

不可伐也胡窺視也孔子聞之曰善哉胡國乎善其知微

王制

凡官民材必先論之論謂考其德行道藝也論辨然後使

之辨謂考問得其定也任事然後爵之爵謂正其秩次位定然後

祿之爵人於朝與士共之刑人於市與衆弃之

必共之者所以審慎之獺祭魚然後虞人入澤梁豺祭獸

然後田獵鳩化為鷹然後設罝羅草木零落然

後入山林昆蟲未蟄不以火田取物必順時候也昆蟲者得陽

而生得陰而藏也國無九年之蓄曰不足無六年之蓄

曰急無三年之蓄曰國非其國也三年耕必有

一年之食九年耕必有三年之食以三十年之

通雖有凶旱水溢民無菜色然後天子食日舉

以樂民無食菜之飢色天子乃日舉樂以食也

月令

孟春之月立春之日天子親率三公九卿諸侯

大夫以迎春於東郊命相布德和令行慶施惠

下及兆民相謂三公相王之事者也德謂善教也令謂時禁也慶謂休其善也惠謂

恤其不足也是月也天子乃以元日祈穀于上帝謂

上辛郊祭天也郊祀后稷以祈農事也上帝太微之帝也乃擇元辰天子親

帥三公九卿諸侯大夫躬耕帝籍元辰蓋郊後吉辰也帝籍

為天神借民力所治之田也禁止伐木盛德所在毋覆巢毋殺孩

蟲胎夭飛鳥毋麋毋卵為傷萌幼之類毋聚大眾毋置

城郭為妨農之始也掩骼埋胔為死氣逆生氣也骨枯曰骼肉腐曰胔也不

可稱兵稱兵必有天殃逆生氣也命有司省囹圄

仲春之月養幼少存諸孤助生氣也命有司省囹圄

去桎梏毋肆掠順陽氣也省減也毋竭川澤毋

漉陂池毋焚山林順陽養物

季春之月天子布德行惠命有司發倉廩賜貧

窮振乏絕振猶救也開府庫出幣帛聘名士禮賢者

聘問也名士不仕者命司空曰時雨將降下水上騰脩利

堤坊導達溝瀆開通道路毋有鄣塞所以除水潦便民事

也田獵罝罟羅罟畢翳餒獸之藥無出九門為逆

天時也天子九門也命野虞毋伐桑柘愛蠶食也野虞謂主田及山林之官

后妃齋戒親帥東向躬桑禁婦女無觀省婦使

以勸蠶事后妃親採桑示帥先天下也東向者向時氣無觀去容飾也婦使縫線組

綱之命工師百工咸理監工日號無悖于時毋

或作為淫巧以蕩上心咸皆也於百工皆治理其事之時工師則監之

日號令戒之以此二事百工作器物各有時逆之則功不善也淫巧謂偽飾不如法也蕩謂動

奢泰之使生

無帥字

孟夏之月無起土功毋發大衆為妨蠶農之事命野虞

勞農命農勉作毋休于都急趣農事

仲夏之月命有司為民祈祀山川百源大雩帝

乃命百縣雩祀百辟卿士有益於民者以祈穀

實陽氣盛而恆旱山川百原能興雲雨者也雩帝謂雩五精之帝也百辟卿士古者上公以下若句龍后稷之類

季夏之月樹木方盛無有斬伐為其未堅韌也毋發令

而待以妨神農之事發令而待謂出繇役之令以豫驚民民驚則心動是

害土神之氣也土神稱曰神農者以其主於稼穡也水潦盛昌舉大事則

有天殃

孟秋之月乃命將帥選士厲兵命大理審斷刑

命百官完堤坊謹壅塞以備水潦

仲秋之月養衰老授几杖乃命有司趣民收斂

務蓄菜多積聚為禦冬之備也乃勸民種麥毋或失時

麥者接絕續乏之穀尤重之也季秋之月命冢宰舉五穀之要定其租稅簿藏帝籍

之收於神倉霜始降百工咸休寒而膠漆作不堅好

孟冬之月賞死事恤孤寡死事謂以國事死也命百官謹

蓋藏謂府庫困倉也固封疆備邊境完要塞謹關梁大

飲烝十月農功畢天子諸侯與其群臣飲酒於大學以正齒位謂之大飲天子乃

上祀作祠

祈來年于天宗祀于公社及門閭臘先祖五祀

此周禮所謂蜡祭也天宗謂日月星辰也五祀門戶中霤竈行勞農以休息之

黨正屬民飲酒正齒位是也天子乃命將帥講武習射御

仲冬之月天子乃命有司祈祀四海大川山林

藪澤有能取蔬食田獵禽獸者野虞教導之務收

斂野物也大澤曰藪草木之實為蔬食

季冬之月命取冰冰已入令告民出五種命田官告

民出五種明大寒氣過農事將起命農計耦耕事修耒耜具田

器天子乃與公卿大夫共飭國典論時令以待

來歲之宜飭國典者和六典之法也周禮以正月為之也

文王世子

文王之為世子朝於王季日三雞初鳴而起衣

服至於寢門外問內豎之御者曰今日安否何

如內豎小臣之屬掌外內之通令者御如今小吏直日也內豎曰安文王乃

喜及日中又至亦如之及暮又至亦如之其有

不安節則內豎以告文王文王色憂行不能正

履節謂居處故事也履蹈地也

王季復膳然後亦復初食上

必在視寒煖之節在察也

食下問所膳膳所食也然後

退武王帥而行之帥循也

文王有疾武王不脫冠

帶而養言常在側

文王壹飯文王再飯亦再

飯欲知氣力箴藥所勝

凡三王教世子必以禮樂樂所以

脩內也禮所以修外也禮樂交錯於中發形於

外立太傅少傅以養之

養猶教也言養者積浸成長

太傅審

父子君臣之道以示之

為之行其禮也

少傅奉世子以

觀太傅之德行而審諭之

為之說其義也

太傅在前少

傅在後

謂其在學時也

入則有保出則有師

謂燕居出入時也

是以教諭而德成也

以有四人維持之

師也者教之以

事而諭諸德者也保也者慎其身以輔翼之而

歸諸道者也

慎其身者謹安護之

是故知為人子然後可

以為人父知為人臣然後可以為人君知事人

然後能使人君之於世子也親則父也尊則君

也有父之親有君之尊然後兼天下而有之是

故養世子不可不慎也

處君父之位覽海內之士而近不能以教其子

則其餘不足觀之也

行一物而三善皆得者唯世子而已

其齒於學之謂也。物猶事也故世子齒於學國人觀之曰將君我而與我齒讓何也曰有父在則禮然然而衆知父子之道矣其二曰將君我而與我齒讓何也曰有君在則禮然然而衆知君臣之義也其三曰將君我而與我齒讓何也曰長長也然然而衆知長幼之節故父在斯爲子君在斯謂臣居子與臣之節所以尊君親親也故學之爲父子焉學之爲君臣焉學之爲長幼焉學教也父子君臣長幼之道得而國治語曰樂正司

業父師司成一有元良萬國以貞世子之謂也

司主也一一人也元大也良善也貞正也

禮運

昔者仲尼與於蜡賓

蜡者索也歲十二月合聚萬物而索饗之亦祭宗廟

時孔子仕魯而在助祭之中

事畢出遊於觀之上喟然而歎

觀闕也

言偃在側曰君子何歎

言偃孔子弟子游也

孔子

曰大道之行也天下爲公選賢與能

公猶共也禪位授聖

不家之也

故人不獨親其親不獨子其子

孝慈之道廣也

使老有所終幼有所長鰥寡孤獨廢疾者皆有所

養無匱是故謀閉而不興盜竊亂賊而不作是

謂大同同猶今大道既隱隱猶天下為家傳位

也各親其親各子其子大人世及以為禮城郭

溝池以為固亂賊繁多為此以禮義以為紀以

正君臣以篤父子以睦兄弟以和夫婦以設制

度以功為己故謀用是作兵由此起以其違大

本其弊則然老子曰法禹湯文武成王周公由

此其選也由用也能用禮此六君子者未有不

謹於禮者言偃復問曰如此乎禮之急也孔子

曰夫禮者先王以承天之道以治人之情故失

之者死得之者生詩云人而無禮胡不遄死故

聖人以禮示之天下國家可得而正民知禮則

是故禮者君之大柄所以治政安君故聖王脩

義之柄禮之序以治人情治者去瑕穢故人情

者聖王之田也脩禮以耕之和其陳義以種之

樹以講學以耨之存是去本仁以聚之合其播

樂以安之感動使故治國不以禮猶無耜而耕

也無以入為禮不本於義猶耕而不種也嘉穀

之也

也生為義而不講以學猶種而不耨也苗不殖講
 之以學而不合以仁猶耨而不穫也無以知收
 合之以仁而不安以樂猶穫而不食也不知味
 安之以樂而不達於順猶食而不肥也功不見也四
 體既正膚革充盈人之肥也父子篤兄弟睦夫
 婦和家之肥也大臣法小臣廉官職相序君臣
 相正國之肥也天子以德為車以樂為御諸侯
 以禮相與大夫以法相序士以信相考百姓以
 睦相守天下之肥也是謂大順故無水旱昆蟲

之灾民無凶飢妖孽之疾

言大順之時陰陽和也昆蟲之灾螟螣之

也屬故天不愛其道地不愛其寶人不愛其情

言嘉

瑞出人

情至也故天降膏露地出醴泉山出器車河出

馬圖鳳皇騏驎皆在郊椒龜龍在宮沼其餘鳥

獸之卵胎皆可俯而窺也

膏猶甘也器謂若銀

負圖而出也椒

叢草也沼池也

則是無故非有他故

先王能脩

禮以達義體信而達順故此順之實也

禮器

禮釋回增美質措則正施則行

釋猶去也回邪僻也質猶性也

措猶置也其在人也如竹箭之有筠如松柏之有心

二者居天下之大端故貫四時而不改柯易葉

傷作易

箭篠也端本也四物於天下最得氣之本也或柔韌於外或和澤於內以此不變傷人之得禮

亦猶然君子有禮則外諧而內無怨故物無不懷

仁鬼神饗德歸懷先王之立禮也有本有文忠信

禮之本義理禮之文無本不立無文不行言必外內

具禮也者合於天時設於地財順於鬼神合於

人心理萬物者故天不生地不養君子不以爲

禮鬼神弗饗天不生謂非其時物也地不養謂非其地所生也是故昔

者先王之制禮也因其財物而致其義焉故作

大事必順天時大事祭祀也爲朝夕必放於日月日出

東方月生西方也爲高必因丘陵謂冬至祭天於圓丘之上爲下必

因川澤謂夏至祭地於方澤之中是故因天事天天高因高者以事之

因地事地地下因下者以事之因名山升中于天名猶大也升猶

上也中猶成也謂巡狩至於方岳燔柴祭天告以諸侯之成功也因吉土以饗

帝于郊吉土王者所卜而居之土也饗帝于郊以四時所兆祭於四郊者也升中

于天而鳳皇降龜龍格功成而太平陰陽氣和而致象物也饗帝

於郊而風雨節寒暑時五帝主五行五行之氣和而庶徵得其序五行

羣書治要 卷之七 十一

木為雨、金為暘、火為燠、水為寒、土為風。

是故聖人南面而立而天下大治是故先王制禮也以節事

動反本也

脩樂以

導志

勸之善也

故觀其禮樂而治亂可知

亂國禮慢而樂淫也

內則

子事父母雞初鳴咸盥漱冠綏纓端畢紳搢笏

咸皆也、綏纓之飾也、端玄端士服也、庶人深衣也、紳大帶也

左右佩用

必佩者備

尊者使令也

以適父母舅姑之所及所下氣怡聲問

所欲而敬進之柔色以溫之

溫藉也、承尊者必和顏色也

父

母有過下氣怡色柔聲以諫諫若不入起敬起

孝悅則復諫父母怒不悅而撻之流血不敢疾

怨起敬起孝

撻擊也

父母雖沒將為善思貽父母

令名必果曾子曰孝子之養老樂其耳目安其

寢處以其飲食忠養之父母之所愛亦愛之父

母之所敬亦敬之至於犬馬盡然而況於人乎

玉藻

年不順成則天子素服乘素車食無樂

自貶損也君

無故不殺牛大夫無故不殺羊士無故不殺犬

豕

故謂祭祀之時

君子遠庖厨凡有血氣之類弗身踐

也踐當為剪聲之誤剪猶殺也

大傳

聖人南面而聽天下所且先者有五民不得與

焉且先言未遑餘事一曰治親二曰報功三曰舉賢四

曰使能五曰存愛功功臣也存察也察有仁愛者五者一得於

天下民無不足無不贍五者一物紕繆民不得

其死物猶事紕猶錯也五事得則民足一聖人事失則民不得其死明政之難也

南面而治天下必自人道始矣人道謂此五事也是故

人道親親言先有恩親親故尊祖尊祖故敬宗敬宗

故收族收族故宗廟嚴宗廟嚴故重社稷重社

稷故愛百姓愛百姓故刑罰中刑罰中故庶民

安庶民安故財用足財用足故百志成百志成

故禮俗刑禮俗刑然後樂收族序以昭穆也嚴猶尊也百志人之志

刑意所欲也猶成也詩云不顯不承無斁於人斯此之謂

也斁厭也言文王之德不顯乎不承先人之業乎言其顯且承之樂之無厭

樂記

凡音之起由人心生也人心之動物使之然也

感於物而動故形於聲官商角徵羽雜比曰音單出曰聲形猶見也

樂者音之所由生也其本在人心之感於物是故其哀心感者其聲嗶以殺其樂心感者其聲嘽以緩其喜心感者其聲發以散其怒心感者其聲粗以厲其敬心感者其聲直以廉其愛心感者其聲和以柔六者非其性也感於物而後動言人聲在所見非有常也嗶蹶也嘽寬綽貌發猶揚也是故先王慎所以感之者故禮以導其志樂以和其聲政以其行刑以防其姦禮樂刑政其極一也所以同民心而出治道凡音者生人心者也情動於中

本書意作帖

故形於聲聲成文謂之音是故治世之音安以樂其政和亂世之音怨以怒其政乖亡國之音哀以思其民困音聲之道與政通矣言八音和否隨政宮為君商為臣角為民徵為事羽為物五者不亂則無怠懣之音矣五者君臣民事物也凡聲濁者尊清者卑怠懣弊敗不和之貌也宮亂則荒其君驕商亂則陂其臣壞角亂則憂其民怨徵亂則哀其事勤羽亂則危其財匱五者皆亂迭相陵謂之慢如此則國之滅亡無日矣君臣民事物其道亂則其音應而亂也荒猶散也陂傾也鄭衛之

音亂世之音比於慢矣比猶同也桑間濮上之音亡

國之音其政散其民流誣上行私而不可止也

濮水之上地有桑間者亡國之音於此水出也是故知聲而不知音者

禽獸是也知音而不知樂者衆庶是也唯君子

為能知樂禽獸知此為聲耳不知其宮商之變八音並作克諧曰樂審聲以

知音審音以知樂審樂以知政而治道備矣是

故不知聲者不可與言音不知音者不可與言

樂知樂者則幾於禮矣禮樂皆得謂之有德幾近

也聽樂而知政之得失則能正君臣民事物之禮也樂之隆非極音食饗

之禮非致味隆猶盛極猶窮是故先王之制禮樂非以

極口腹耳目之欲將以教民平好惡而反人道

之正教之使知好惡先王之制禮樂人為之節言為作法度以

遏其欲也衰麻哭泣所以節喪紀也鐘鼓干戚所以

和安樂也婚姻冠笄所以別男女也射鄉食饗

所以正交接也男二十而冠女許嫁而笄成人之禮也射大射鄉鄉飲酒也食

食禮饗饗禮也禮節民心樂和民聲政以行之刑以防

之禮樂刑政四達而不悖則王道備矣樂由中

出和在心也禮自外作敬在貌也大樂必易大禮必簡易簡

舊無先王至禮樂六字補之

若於清廟大饗然也樂至則無怨禮至則不爭揖讓而治

天下者禮樂之謂也至猶達行大樂與天地同和大

禮與天地同節言順天地之氣與其數也和故百物不失不

性也節故祀天祭地成萬物有功報焉也明則有禮樂教人者

幽則有鬼神助天地成物者也如此則四海之內合敬

同愛王者功成作樂治定制禮功主於王業治主於教民五

帝殊時不相泐樂三王異世不相襲禮言其有損益也

故聖人作樂以應天制禮以配地禮樂明備天

地官矣官猶事也各得其事地氣上躋天氣下降鼓之以

雷霆奮之以風雨動之以四時煖之以日月而

百化興焉如此則樂者天地之和也禮者所以

綴淫也綴猶止也是故先王有大事必有禮以哀之

有大福必有禮以樂之哀樂之分皆以禮終大事

謂死喪也是故先王本之情性替之度數制之禮義

合生氣之和道五常之行使之陽而不散陰而

不密剛氣不怒柔氣不懾四暢交於中而發作

於外皆安其位而不相奪也生氣陰陽氣也五常五行也密之言

閉也懾猶恐懼也土弊則草木不長水煩則魚鼈不大

氣衰則生物不遂，世亂則禮慝而樂淫，是故其聲哀而不莊，樂而不安，慢易以犯節，流湏以忘本，感條暢之氣而滅平和之德，是以君子賤之也。遂，猶成也。慝，穢也。感，動也。動，人條暢之善氣，使失其所也。凡姦聲感人而逆氣應之，淫樂興焉，正聲感人而順氣應之，順氣成象，而和樂興焉，唱和有應，回邪曲直，各歸其分，而萬物之理，各以類相動。成，謂人樂習焉。是故君子反情以和其志，比類以成其行，姦聲亂色，不留聰明，淫樂慝禮，不接心術，惰

慢邪僻之氣，不設於身體，使耳目鼻口，心智百體，皆由順正，以行其義。反，猶本也。術，猶道也。然後發以聲音，而文以琴瑟，動以干戚，飾以羽旄，從以簫管，奮至德之光，動四氣之和，以著萬物之理。奮，猶動也。至德之光，謂降天神，出地祇，格祖考也。著，猶成也。故樂行而倫清，耳目聰明，血氣和平，移風易俗，天下皆寧。言樂用則正人理和。陰陽也。倫，謂人道也。魏文侯問於子夏曰：吾端冕而聽古樂，則唯恐臥；聽鄭衛之音，則不知倦，敢問古樂之如彼何也，新樂之如此何也？古樂，先王之正樂也。對曰：

今君之所問者樂也，所好者音也，相近而不同。

鏗鏘之類皆為音，應律乃為樂。文公曰：敢問何如？欲知音，樂異意。對曰：

夫古者天地順而四時當，民有德而五穀昌，疾

疫不作而無妖祥，此之謂大當。然後聖人作為

父子君臣以為綱紀，綱紀既正，天下大定。天下

大定，然後正六律和五聲，弦歌詩頌，此之謂德

音。德音之謂樂。當謂樂不失其所也。今君之所好者，其溺

音乎？鄭音好濫淫志，宋音燕女溺志，衛音趨數

煩志，齊音敖僻驕志，四者淫於色而害於德，是

以祭祀弗用也。言四國出此溺音也。為人君者，謹其所好

惡而已矣。君好之則臣為之，上行之則民從之。

詩云：誘民孔易，此之謂也。誘，進也。孔，甚也。民從君之所好，惡進之於

善，無難也。君子曰：禮樂不可斯須去身，致樂以治心，

樂由中出，故治心也。致禮以治躬，禮自外作，故治身也。心中斯須不

和不樂，而鄙詐之心入之矣。鄙，詐入之，謂利欲生也。外貌

斯須不莊不敬，而易慢之心入之矣。易，輕也。故樂

也者，動於內者也。禮也者，動於外者也。樂極則和，

禮極則順。內和而外順，則民瞻其顏色而不與爭。

也望其容貌而民不生易慢焉是故樂在宗廟之中君臣上下同聽之則莫不和敬在族長鄉里之中長幼同聽之則莫不和順在閨門之內父子兄弟同聽之則莫不和親故樂者所以合和父子君臣附親萬民是先王立樂之方也

祭法

夫聖王之制祭祀也法施於民則祀之以死勤事則祀之以勞定國則祀之能禦大灾則祀之能扞大患則祀之是故厲山氏之有天下也其

子曰農能殖百穀夏后氏之衰周棄繼之故祀以爲稷共工氏之霸九洲也其子曰后土能平九洲故祀以爲社帝嚳能序星辰堯能賞均刑法舜能勤衆事鯀鄩洪水禹能脩鯀之功黃帝正名百物顓頊能脩之契爲司徒而民成冥勤其官而水死湯以寬治民而除其虐文王以文治武王以武功去民之灾此皆有功烈於民者也及夫日月星辰民所瞻仰也山林川谷丘陵民所取財用也非此族也不在祀典

祀典謂祭禮也

祭義

祭不欲數，數則煩，煩則不敬。祭不欲疏，疏則怠。

怠則忘，是故君子合諸天道。春禘秋嘗，忘與不敬，違禮

莫大焉，合於天道，因四時之變化，霜露既降，君子感時而念親，則以此祭之也。

子履之，必有悽愴之心，非其寒之謂也。春雨露

既濡，君子履之，必有怵惕之心，如將見之。非其寒之

謂，謂悽愴及怵惕，皆為感時念親也。樂以迎來，哀以送往，致齋於

內，散齋於外。齋之日，思其居處，思其笑語，思其

志意，思其所樂，思其所嗜。齋三日，乃見其所為

齋者，見其所為齋，思之熟也。祭之日，入室，僂然必有見乎

其位，周旋出戶，肅然必有聞乎其容聲，出戶而

聽，愾然必有聞乎其歎息之聲。是故先王之孝

也，色不忘乎目，聲不絕乎耳，心志嗜欲，不忘乎

心，安得不敬乎？君子生則敬養，死則敬享，享，猶祭也。

饗也。唯聖人為能饗帝，孝子為能饗親，謂祭之能使之饗之

也，帝天也。先王之所以治天下者五，貴有德也，貴貴

也，貴老也，敬長也，慈幼也。此五者，先王之所以

定天下也，貴有德為其近於道也，貴貴為其近

於君也，貴老為其近於親也，敬長為其近於兄也，慈幼為其近於子也。言治國有家道也。曾子曰：身也

者，父母之遺體也。行父母之遺體，敢不敬乎？居處不莊，非孝也；事君不忠，非孝也；莅官不敬，非

孝也；朋友不信，非孝也；戰陳無勇，非孝也。五者不遂，災及於親，敢不敬乎？遂猶成也。夫孝置之而塞

乎天地，敷之而橫乎四海，施諸後世而無朝夕，詩云：自西自東，自南自北，無思不服。此之謂也。

孝有三：小孝用力，中孝用勞，大孝不匱。勞猶思功。

慈愛忘勞，可謂用力矣；尊仁安義，可謂用勞矣；博施備物，可謂不匱矣。思慈愛忘勞，思父母之慈愛己而自忘己之勞。

苦，父母愛之，喜而弗忘；父母惡之，懼而無怨。無怨於父母之心也。父母有過，諫而不逆。順而諫之。父母既沒，

必求仁者之粟以祀之，此之謂禮終。喻貧困猶不取惡人

之物以事已親。樂正子春下堂而傷其足，數月不出，猶有憂色。門弟子曰：夫子之足瘳矣，數月不出，猶

有憂色，何也？曰：吾聞諸曾子，父母全而生之，子全而歸之，可謂孝矣。不虧其體，不辱其身，可謂

已作已

及作反

無上見字

全矣故君子跬步弗敢忘孝也今予忘孝之道
 予是以有憂色也壹舉足而不敢忘父母壹出
 言而不敢忘父母壹舉足而不敢忘父母是故
 道而弗徑舟而不游不敢以先父母之遺體行
 危殆壹出言而不敢忘父母是故惡言不出於
 口忿言不及於身不辱其身不羞其親可謂孝
 矣徑步邪趨疾也虞夏殷周天下之盛王也未有遺年
 者是故天子巡狩諸侯待見于境天子先見百
 年者問其國君以百年者所在而往見之

祭統

凡治人之道莫急於禮禮有五經莫重於祭禮有五經謂吉凶賓軍嘉也莫重於祭謂以吉禮為首也夫祭者非物自外至

也自中出生於心也心怵而奉之以禮是故唯
 賢者能盡祭之義是故君子之教也外則教之
 以尊其君長內則教之以孝於其親是故君子
 之事君也必身行之所不安於上則不以使下
 所惡於下則不以事上非諸人行諸己非教之
 道也必身行之言怨己乃行之是故君子之教也必由其本

順之至也祭其是與故曰祭者教之本也已由教

生考順祭而不敬何以爲也

經解

天子者與天地參焉故德配天地兼利萬物與日月並明明照四海而不遺微小其在朝廷則道仁聖禮義之序燕處則聽雅頌之音行步則有環珮之聲升車則有鸞和之響居處有禮進退有度百官得其宜萬事得其序詩云淑人君子其儀不忒其儀不忒正是四國此之謂也猶道

在作存

言也發號出令而民悅謂之和上下相親謂之仁

民不求其所欲而得之謂之信除去天地之害

謂之義義與信和與仁霸王之器也有治民之

意而無其器則不成器謂所操以作事者義信和仁皆在於禮也夫

禮之於國也猶衡之於輕重也繩墨之於曲直

也規矩之於方圓也故衡誠懸不可欺以輕重

繩墨誠陳不可欺以曲直規矩誠設不可欺以

方圓君子審禮不可誣以奸詐衡稱也縣錘也陳設也孔

子曰安上治民莫善於禮此之謂也故朝覲之

禮所以明君臣之義也，聘問之禮所以使諸侯相尊敬也，喪祭之禮所以明臣子之恩也，鄉飲酒之禮所以明長幼之序也，婚姻之禮所以明男女之別也，夫禮禁亂之所由生，猶防止水之所自來也，故以舊防為無所用而壞之者，必有水敗，以舊禮為無所用而去之者，必有亂患，故婚姻之禮廢，則夫婦之道苦，而淫僻之罪多矣，鄉飲酒之禮廢，則長幼之序失，而鬪爭之獄繁矣，喪祭之禮廢，則臣子之恩薄，而背死忘生者

正作止

衆矣，聘覲之禮廢，則君臣之位失，而背叛侵陵之敗起矣。苦，謂不至不答之屬。故禮之教化也微，其正邪

於未形，使人日徙善遠罪而不自知也，是以先王隆之也。易曰：君子慎始，差若毫釐，謬以千里，此之謂也。隆，謂尊盛之也。始，謂其微時也。

仲尼燕居

子曰：禮者何也，即事之治也。治國而無禮，譬猶瞽之無相與，佞佞乎其何之。譬如終夜有求幽室之中，非燭何以見之。若無禮，則手足無所措，

耳目無所加、進退揖讓無所制、是故以之居處、長幼失其別、閨門三族失其和、朝廷官爵失其序、軍旅武功失其制、宮室失其度量、喪紀失其哀、政事失其施、凡眾之動失其宜、

中庸

天命之謂性、率性之謂道、脩道之謂教、性者、生之質也

命者、人所稟受、率、循、循性行之、是曰道、脩、治也、治而廣之、人放傲之、是曰教、道也者

不可須臾離也、可離非道也、道、猶道路也、出入動作由之、須臾離

之、惡乎從是故君子戒慎乎其所不覩、恐懼乎其所

不聞、莫見乎隱、莫顯乎微、故君子慎其獨也、慎其

獨者、慎其閑居之所為也、小人於隱者、動作言語、自以為為不見、覩不見聞、則必肆盡其情、若有

佔聽之者、是為顯見、甚於眾人之中為之也、子曰、中庸其至矣乎、民

鮮能久矣、鮮、罕也、言中庸為道至美、故人罕能久行之者、子曰、無憂者

其唯文王乎、以王季為父、以武王為子、父作之

子述之、聖人以立法度為大事、子能述成之、則何憂乎、堯舜之父子、則有凶頑、禹湯之

父子、則寡令聞、父子相成、唯有文王也、武王纘大王王季文王緒

一戎衣而有天下、身不失天下之顯名、尊為天

子、富有四海之內、宗廟饗之、子孫保之、纘、繼也、緒、業也、

緒上有之字

子曰武王周公其達孝矣乎夫孝者善繼人之志善述人之事者也

表記

子曰仁有三與仁同功而異情利仁強仁功雖與安仁者同本

情則異也與仁同功其仁未可知也與仁同過然後

其仁可知也仁者安仁智者利仁畏罪者強仁

功者人所貪過者人所避子曰君子不以辭盡人不見人之言語則以

為善言其餘行或時惡也故天下有道則行有枝葉天下無

道則辭有枝葉行有枝葉所以益德也言有枝葉是衆虛華也枝葉依餘而生

言亦由禮出也是故君子於有喪者之側不能賻焉

則不問其所費於有病者之側不能饋焉則不

問其所欲有客不能館焉則不問其所舍皆避有其

言而無其實也故君子之接如水小人之接如醴君子

淡以成小人甘以壞水相得合而已酒醴相得則敗淡無酸酢少味也

不以口譽人則民作忠故君子問人之寒則衣

之問人之飢則食之稱人之美則爵之皆為有言不可

緇衣

子言之曰為上易事也為下易知也則刑不煩矣言君不苛虐臣無姦心則刑可以措也子曰夫民教之以德齊

之以禮則民有格心教之以政齊之以刑則民有遜心格來也遜逃也故君民者子以愛之則民親之

信以結之則民不背恭以莅之則民有遜心也遜猶順也子曰下之事上也不從其所令而從其所行上好是物下必有甚矣甚者甚於

也故上之所好惡不可不慎也是民之表也君之言民之從君如影之逐表子曰禹立三年百姓以仁遜焉豈必

盡仁言百姓傲禹為仁非本性能仁也子曰上好仁則下之為

仁爭先人子曰王言如絲其出如綸王言如綸其出如紉言言出彌大也綸今有秩故大人不

唱游言游猶浮也不可用之言也可言也不可行君子弗言

也可行也弗可言君子弗行也則民言不危行而行不危言矣危猶高也言不高於行行不高於言言行相應子曰君

子道人以言而禁人以行禁猶謹也故言必慮其所終而行必替其所弊則民謹於言而慎於行替猶考也詩云慎爾出話敬爾威儀話善言也子曰為上可

望而知也、為下可述而志也、則君不疑於其臣、而臣不惑於其君矣、志猶知也上人疑、則百姓惑、下

難知、則君長勞、難知有姦心也故君民者、章好以示民

俗、慎惡以御民之淫、則民不惑矣、淫貪侈也、考經曰、示之以

好惡而民知禁也子曰、大臣不可以不敬也、是民之表

也、邇臣不可以不慎也、是民之道也、民之道言民循從也

子曰、大人不親其所賢、而信其所賤、民是以親

失、而教是以煩、親失失其所當親也、教煩由信賤者也、賤者無壹德也子

曰、民以君為心、君以民為體、心莊則體舒、心肅

則容敬、心好之、身必安之、君好之、民必欲之、心

以體全、亦以體傷、君以民存、亦以民亡、莊齊莊也

大學

堯舜率天下以仁、而民從之、桀紂率天下以暴

而民從之、其所令、反其所好、而民不從、言民化君行也

君好貨而禁民淫於財利不能止也是故君子有諸己、而後求諸

人、無諸己、而後非諸人、所藏乎身、不恕、而能喻

諸人者、未之有也、故上老老、而民興孝、上長長

而民興悌、上恤孤、而民不背、所惡於上、無以使

下所惡於下，母以事上，所惡於前，母以先後，所惡於後，母以從前，所惡於右，母以交左，所惡於左，母以交於右，詩云：樂只君子，民之父母。民之所好好之，民之所惡惡之，此之謂民之父母。

民之道無他，取於己而已。

好人之所惡，惡人之所好，是謂拂

人之性，灾必逮夫身。

拂，猶危也。逮，及也。

昏義

昏禮者，將合二姓之好，上以事宗廟，而下以繼後世也。故君子重之，男女有別，而後夫婦有義。

夫婦有義，而後父子有親，父子有親，而後君臣有正。故曰：婚禮者，禮之本也。夫禮始於冠，本於婚，重於喪祭，尊於朝聘，和於鄉射，此禮之大體也。古者天子后立六宮，三夫人，九嬪，二十七世婦，八十一御女，以聽天下之內治，以明章婦順，故天下內和而家理也。天子立六官，三公，九卿，二十七大夫，八十一元士，以聽天下之外治，以明章天下之男教，故外和而國治也。故曰：天子聽男教，后聽女順，天子理陽道，后治陰德，天子

聽外治后聽內治教順成俗外內和順國家理
治此之謂盛德也是故男教不修陽事不得謫
見于天日為之食婦順不修陰事不得謫見于
天月為之食是故日食則天子素服而修六官
之職蕩天下之陽事月食則后素服而修六官
之職蕩天下之陰事故天子之與后猶日之與
月陰之與陽相須而後成者也謫之言責也蕩
蕩滌去穢惡也

射義

古者諸侯之射也必先行燕禮卿大夫士之射

也必先行鄉飲酒之禮故燕禮者所以明君臣
之義也鄉飲酒之禮者所以明長幼之序也言別

尊卑老稚乃後射以觀德行也故射者進退周還必中禮內志

正外體直然後持弓矢審固持弓矢審固然後
可以言中此可以觀德行也內正外直習於
禮樂有德行者其

節天子以騶虞諸侯以狸首大夫以采蘋士以
采蘩故明乎其節之志以不失其事則功成而

德行立德行立則無暴亂之禍功成則國安故
曰射者所以觀盛德也騶虞采蘋采蘩今詩
篇名也狸首亡也是

故古者天子以射選諸侯卿大夫士射者男子

之事因而飾之以禮樂也故事之盡禮樂而可

數為以立德行者莫若射故聖王務焉選士者先考德

行乃後決之射也男子生而有射事長學禮樂以飾之是故古者天子之

制諸侯歲獻貢士於天子天子試之於射宮觀

其容體比於禮其節比於樂而中多者得與於

祭其容體不比於禮其節不比於樂而中少者

不得與於祭數與於祭而君有慶數不與於祭

而君有讓數有慶而益地數有讓而削地故曰

天子之大射謂之射侯射侯者射為諸侯也射

中則得為諸侯射不中則不得為諸侯大射謂將祭擇

士之射也得為諸侯謂有慶也不得為諸侯謂有讓也故射者仁之道也

求正諸己己正而後發發而不中則不怨勝者

反求諸己而已矣孔子曰君子無所爭必也射

乎

羣書治要卷第七

天子之六代... (The main text on this page is extremely faded and largely illegible due to bleed-through from the reverse side of the leaf.)

羣書治要卷第八

秘書監鉅鹿男臣魏徵等奉 勅撰

周禮 周書 春秋外傳國語

韓詩外傳

周禮

天官

惟王建國，辨方正位。別四方正君臣之位。體國

經野。體，猶分邦畿之度。經，野，疆理其井廬也。設官分職。置冢宰、司

馬、司寇、司空，各有以爲民極。極，中也。令天下之人，各得其中，不失

其所也乃立天官冢宰使帥其屬而掌其邦治以

佐王均邦國掌主也邦治王所以治邦國者佐猶助也建邦之六典

以佐王治邦國一曰治典以經邦國以治官府

以紀萬民二曰教典以安邦國以教官府以擾

萬民三曰禮典以和邦國以統百官以諧萬民

四曰政典以平邦國以正百官以均萬民五曰

刑典以詰邦國以刑百官以糾萬民六曰事典

以富邦國以任百官以生萬民典常也法也王謂之禮經常所

乘以理天下者也邦國官府謂之禮法常所守以為法式也擾猶馴也統猶合也詰猶禁也任

猶傳也生猶養也以八柄詔王馭羣臣一曰爵以馭其

貴二曰祿以馭其富三曰予以馭其幸四曰置

以馭其行五曰生以馭其福六曰奪以馭其貧

七曰廢以馭其罪八曰誅以馭其過柄所秉執以起事者

也詔告也助也爵謂公侯伯子男卿大夫士也祿所以富臣下也幸謂言行偶合於善則有以

賜與之勸後也生猶養也賢臣之老者王有以養之也奪謂臣有大罪沒入家財者也誅責讓

也以八統詔王馭萬民一曰親親二曰敬故三

曰進賢四曰使能五曰保庸六曰尊貴七曰達

吏八曰禮賓統所以總物者也親親若堯親九族也敬故不慢舊也賢有善行也

之貴下
舊無者
字補之

能多才藝也、保庸安有功也、尊貴、尊天下之貴者也、達吏、察舉勤勞之小吏也、禮賓、賓客諸侯所以示民親仁善鄰也、**歲終、則令百官府各正其治、受其**

會、正、正處也、**三歲、則大計羣吏之治而誅賞、**三載

考績也、

膳夫、掌王之食飲膳羞、大喪則不舉、大荒則不

舉、大札則不舉、天地有災則不舉、邦有大故則

不舉、大荒、凶年也、大札、疫癘也、天災、日月晦食也、地災、崩動也、大故、刑殺也、春秋傳曰、司

寇行戮、君為之不舉、

地官

大司徒之職、掌建邦之土地之圖、與其人民之

數、以佐王安擾邦國、教所以親百姓、訓五品也、擾、亦安也、言饒衍也、**而**

施十有二教焉、一曰、以祀禮教敬、則民不苟、二

曰、以陽禮教讓、則民不爭、三曰、以陰禮教親、則

民不怨、四曰、以樂禮教和、則民不乖、五曰、以儀

辨等、則民不越、六曰、以俗教安、則民不愉、七曰、

以刑教中、則民不虺、八曰、以誓教恤、則民不怠、

九曰、以度教節、則民知足、十曰、以世事教能、則

民不失職、十有一曰、以賢制爵、則民慎德、十有

二曰以庸制祿則民興功

陽禮謂鄉射飲酒也陰禮謂男女之禮也

昏姻以時則男不曠女不怨也儀謂君南面臣北面父坐子伏之屬也俗謂土地所生習也愉謂朝不謀夕也恤謂灾厄相憂也民有凶患憂之則民不懈怠也度謂宮室車服之制也世事謂士農工商之事少而習焉其心安焉因教以能不易其業也慎德謂矜其善德勸為善也庸功也爵以顯賢以保息六畜萬民一曰慈幼二祿以賞功也

曰養老三曰振窮四曰恤貧五曰寬疾六曰安

富保息謂安之使蕃足也慈幼愛少也養老七十養於學五十異稂之屬也振窮救天民之

窮者也恤貧貧無財業稟食貸之也寬疾若今癘不可事不筭卒也安富平徭役不專取之也

以鄉三物教萬民而賓興之一曰六德智仁聖

本書學
作鄉

義忠和二曰六行孝友睦姻任恤三曰六藝禮

樂射馭書數物猶事也興猶舉也民三事之教成鄉大夫舉其賢者能者以飲酒

之禮賓客之既則獻其書於王矣智明於事也仁愛人以及物也聖通而先識也義能斷時宜

也忠言以中心也和剛不柔也善於父母為孝善於兄弟為友睦親於九族也姻親於外親

也任信於友道也恤振憂貧者禮五禮之儀也樂六樂之歌舞也射五射之法也御五御之節

也書六書之品也以五禮防萬民之偽而教之

中禮所以節止民之侈偽使其行得中也五禮謂吉凶賓軍嘉以六樂防萬

民之情而教之和樂所以蕩正民之情思使其心應和也六樂謂雲門咸池

大韶大夏大濩大武也

善無鄉師字補之

鄉師以歲時巡國及野而賙萬民之艱阨以王

命施惠歲時者隨其事之時不必四時也艱阨饑乏者也

師氏掌以美詔王告王以善道也文王世子曰師者教之以事而諭諸德者也

也三德教國子一曰至德以為道本二曰敏

德以為行本三曰孝德以知逆惡也教三行一

曰孝行以親父母二曰友行以尊賢良三曰順

行以事師長德行外內之稱也在心為德施之為行也至德中和之德覆燾持載

含容者也敏德仁義順時者也孝德尊祖愛親守其所以生者也孔子曰武王周公其達孝矣

乎夫孝善繼人之志善述人之事也

舊無保氏字補之

保氏養國子以道乃教之六藝一曰五禮二曰

六樂三曰五射四曰五馭五曰六書六曰九數

乃教之六儀一曰祭祀之容二曰賓客之容三

曰朝廷之容四曰喪紀之容五曰軍旅之容六

曰車馬之容養國子以道者以師氏之德行審諭之而後教之以藝儀也五射白

指作處

躋躋作齊濟

矢參連刻注襄尺并儀也五馭鳴和鑿逐水曲過君表舞交衢逐禽左也六書象形會意轉注指事假借諧聲也九數方田粟米差分少廣商

也祭祀之容穆穆皇皇賓客之容嚴恪矜莊朝廷之容躋躋踰踰喪紀之容纍纍顛顛軍旅之容暨暨詒詒車馬之容匪匪翼翼

司救掌凡歲時有天患民病則以節巡國中及郊野而以王命施惠天患謂災害也節旌節也施惠賜恤

春官

大司樂以樂德教國子中和祗庸孝友中猶忠也

柔適也祗敬也庸有常也凡日月食四鎮五嶽崩大傀異灾

諸侯薨令去樂四鎮山之重大者也謂會稽沂山醫無閭霍山也五嶽岱衡華

嵩恆也傀猶怪也大怪異灾謂天地奇變若星辰奔實及震裂為害者也去樂藏之也大

札大凶大灾大荒大臣死凡國之大憂令弛縣

札疫癘凶凶年也灾凡建國禁其淫聲過聲凶

聲慢聲淫聲若鄭衛也過聲失哀樂節也凶聲亡國之聲若桑間濮上也慢聲惰慢不

恭之聲

夏官

大司馬之職掌建邦國之九法以佐王平邦國

平成也制畿封國以正邦國封謂立封於壇為界設儀辨

位以等邦國儀謂諸侯諸臣之儀進賢興功以作邦國起

也起其進善樂業之心建牧立監以維邦國維猶連結制軍詰

禁以紂邦國詰窮治也施貢分職以任邦國職謂

賦稅也任猶事也簡誓鄉民以用邦國誓計也均守平則

替無治字補之

以安邦國

均謂尊者守大，卑者守小也。

比小事大以和邦國

比猶親，使大國親小國，小國事大國。

以九伐之法正邦國

諸侯有違王命

則出兵征伐而正也。

馮弱犯寡則肯之

肯猶人肯瘦也。四面削其地。

賊

賢害民則伐之

有鐘鼓曰伐，以聲其罪。

暴內陵外則壇之

中作地

置之空壇之中，別立君也。

野荒民散則削之

田不治，民不附，則削其地也。

負固不服則侵之

侵用兵淺而巳。

賊殺其親則正之

正殺也。

放弑其君則殘之

殘滅其為惡者。

犯令陵政則杜

杜，犯令逆命也。陵政，輕法也。杜，杜塞使不得與諸侯通。

外內亂鳥獸行則

滅之，仲春教振旅

師出曰治兵，入曰振旅，皆習戰也。四時獵各教民，以其一

焉，遂以蒐田

蒐，擇也。擇取禽獸不孕者。

仲夏教拔舍

拔舍，猶

有草止之法。

遂以苗田

夏田為苗，簡取禽獸不孕者。若治苗去不秀實者也。

秋教治兵，遂以獮田

獮，猶殺也。中殺者多。

仲冬教大閱

大閱，

簡軍實，備禮不如出軍時。

遂以狩田

冬田為狩，言守取之，無所擇也。

司勳掌等其功

等，猶差也。以功大小為差等。

凡有功者，銘書

於王之太常，祭於大烝

銘之言名也。生則書於王旌，以識其人與其功。

也。死則於烝先王祭之。冬祭曰烝。王旌畫日月為太常也。

凡賞無常，輕重視

功，無常者功之大小不可豫

秋官

大司寇之職掌建邦之三典以佐王刑邦國詰四方一曰刑新國用輕典新國謂新闢地二曰

刑平國用中典三曰刑亂國用重典亂國謂篡殺叛逆之

國也以圓土聚教疲民困苦以教之為善也民不

明刑耻之明刑謂明書其罪於大方板其能改

者反于中國不齒三年其不能改而出圓土者

殺以嘉石平疲民疲民謂為邪惡者也凡萬民之有罪過

而未麗於法而害於州里者桎梏而坐諸嘉石

役諸司空州里任之則宥而舍之有罪過謂邪惡之人所罪

過者也麗附也未附於法未著於法也役諸司

空坐日訖使給百工之役役月訖使其州里之

人任之乃以肺石達窮民肺石赤石也窮民天

凡遠近惇獨老幼之欲有復於上而其長弗達

者立於肺石三日士聽其辭以告於上而罪其

長復自也長謂諸侯及所屬吏

小司寇凡命夫命婦不躬坐獄訟命夫謂大夫也命婦謂大

夫妻也若有罪不自身凡王同族有罪不即市

刑於甸以五聲聽獄訟求民情一曰辭聽辭不

舊無小
司寇字
補之

也煩也二曰色聽色不直則赧也三曰氣聽氣不直則喘也四曰耳

聽耳不直則惑也五曰目聽目不直則眊然以八辟麗邦法附

于刑罰辟法也麗附也一曰議親之辟若今時宗室有罪先請是也

二曰議故之辟故謂舊也三曰議賢之辟若今時廉吏有罪先

請是也四曰議能之辟能謂有道藝者五曰議功之辟謂有大勲力立功者也

六曰議貴之辟若今時吏墨綬有罪先請是也七曰

議勤之辟謂憔悴事國者八曰議賓之辟謂所不臣者

與後司刺掌三刺三宥三赦之法以贊司寇聽獄訟

舊下有知字

刺殺也致三問之然後殺一刺曰訊羣臣再刺曰訊羣吏三

刺曰訊萬民訊言問也壹宥曰不識再宥曰過失三

宥曰遺忘不識謂愚民無所識也宥寬也壹赦曰幼弱再赦曰

老耄三赦曰蠢愚蠢愚生而癡騃也赦謂免其罪也以此三法

者求民情然後刑殺

小行人若國札喪則令賻補之賻喪家補其不足若國

凶荒則令賙委之委輸也若國師役則令犒禴之

犒勞也合助相振為會若國有福事則令慶賀之若國有

禍災則令哀弔之

掌客凡禮賓客國新殺禮凶荒殺禮札喪殺禮
殺滅也國新新建國也凶荒無年也札喪疫癘也禍災新有兵寇及水火也在野行軍在外也

周書

文傳解

天有四殃水旱饑荒其至無時非務積聚何以備之夏箴曰小人無兼年之食遇天饑妻子非其有也大夫無兼年之食遇天饑臣妾與馬非其有也國無兼年之食遇天饑百姓非其百姓

也戒之哉不思禍咎無日矣言不遠也明開塞禁舍

者其取天下如化變化之頓謂其疾不明開塞禁舍者

其失天下如化不明謂失其機兵彊勝人人彊勝天勝天

勝有天命能制其有者能制人之有不能制其有者

人制之令行禁止王之始也

官人

富貴者觀其有禮施貧窮者觀其有德守嬖寵者觀其不驕奢隱約者觀其不懾懼其少者觀其恭敬好學而能弟其壯者觀其潔廉務行而

勝其私其老者觀其思慎疆其所不足而不踰
父子之間觀其慈孝兄弟之間觀其和友君臣
之間觀其忠惠鄉黨之間觀其信誠設之以謀
以觀其智示之以難以觀其勇煩之以事以觀
其治臨之以利以觀其不貪濫之以樂以觀其
不荒喜之以觀其輕怒之以觀其重醉之以觀
其失縱之以觀其常遠之以觀其不貳昵之以
觀其不狎復徵其言以觀其精曲省其行以觀
其備此之謂觀誠

芮良夫解

芮良夫
下堂有
解字

厲王失道芮伯陳誥作芮良夫芮伯若曰余小
臣良夫誓首謹誥天子惟民父母致厥道無遠
不服無道左右臣妾乃違道謂德政
違叛之民歸于德
德則民戴否德民讎茲允効于前斯不遠信驗
於前
世不
遠也商紂弗改夏桀之虐肆我有周有家舉桀
行惡
滅亡以
為戒也嗚呼惟爾天子嗣文武之業惟爾執政
小子同先王之臣昏行內顧道王不若同謂位
同也昏
闇也言教
王為不順專利作威佐亂進禍民將弗龕專利
侵亂

多聞下
舊無以
字補之

進不善也治亂信于其行惟王暨爾執政小子攸聞

行善則治行惡則亂皆所聞知也古人求多聞以鑒戒弗聞是

惟弗知言古人患不聞故有所不知也爾聞爾知弗改厥度亦

惟艱哉知而不改無可如何故曰難也夫后除民害不惟民害

害民乃非后惟其讎是與民為怨讎民至億兆后一而

已寡弗敵衆后其殆哉言上下無義對共相怨則寡者危已烏虜

野禽馴服于人家畜見人而奔非禽畜之性實

惟人民亦如之人養之故擾服雖家畜不養則畏人治民亦然也今爾

執政小子惟以貪諛事王專利為貪面從為諛不對以備

本書對
作懃德

難下民胥怨財單力竭手足靡措弗龕戴上不

其亂而言民相與怨上上加之惟禍發於人之

攸忽咎起於人攸輕心不存焉變之攸伏言人所輕

忽則禍之所起爾執政小子弗圖大艱偷生苟安爵以

賄成苟安無遠慮賄成不任德賢智拊口小人鼓舌逃害要

利並得其求惟曰哀哉賢者隱黜以逃害小人佞諂以要利各得其求

故君子為之哀也我聞曰以言取人人飾其言以行取

人人竭其行飾言無庸竭行有成惟爾小子飾

言事王實蕃有徒爾自謂有餘余謂爾不足敬

思以明德備乃禍難言其不足於道義也以用乃汝難至而悔悔將安及

春秋外傳國語

周語

景王二十一年將鑄大錢單穆公曰不可古者

天灾降戾降下也戾至也灾謂水旱蝗螟之屬於是乎量資幣權

輕重以振救民量猶度也資財也權稱也振拯也民患輕則為

之作重幣以行之民患幣輕而物貴則作重以行其輕於是乎有

母權子而行民皆得焉重曰母輕曰子獨行物重則以

本書相權之權作通

母權而行之也子母相權民皆得其欲也若不堪重則多作輕而行

之亦不廢重於是乎有子權母而行小大利之

堪任也不任之者幣重物輕妨其用也故作輕

幣雜而用之以重者質其貴以輕者質其賤也

子權母者母不足則以子平之而行之也故錢小大民皆以為利也今王廢輕而

作重民失其貨能無匱乎廢輕而作重則本竭而末寡也故民失其

貨若匱王用將有所乏民財匱無以供上乏則

將厚取於民厚取厚民不給將有遠志是離民

也給共也遠志遁逃也且夫備有未至而設之備國備也未至而設

之謂豫備不虞安不念危有至而後救之至而後救之謂若救火療疾量資幣

其貨作其貨

平輕重二者前後各有宜不相入也不相入不相為用可先而

不備謂之怠怠緩也可後而先之謂之召災謂民未患

輕而重之離民匱財是為召災周固羸國也天未厭禍焉而又

離民以佐災無乃不可乎言周故已為羸病之國天降禍災未厭已

將民之與處而離之將災是備禦而召之則何

以經國君以善政為經臣奉而成之為緯也國無經何以出令令

之不從上之患也故聖王樹德於民以除之樹立

也除除令不從之患也絕民用以實王府絕民用謂廢小錢斂而鑄大也

猶塞川原為潢汙也其竭也無日矣大曰潢小曰汙竭盡

也無日無日數也若民離財匱災至備亡王其若之何

備亡無救災之備也王弗聽

二十三年王將鑄無射無射鐘名律中無射單穆公曰不

可作重幣以絕民貨又鑄大鐘以鮮其繼鮮寡寡也寡寡

其繼者用物過度妨於財也若積聚既喪又鮮其繼生何以

殖積聚既喪謂廢小錢也生財也殖長也今王作鐘也無益於樂

而鮮民財將焉用之夫樂不過以聽耳而美不

過以觀目若聽樂而震觀美而眩患莫甚焉夫

耳目心之樞機也樞機發動也心有所欲耳目發動也故必聽和

民貨作民資

而視正聽和則聰視正則明習於和正則不眩惑也聰則

言聽明則德昭聽言昭德民歆而德之則歸心

焉歆猶欣歆喜服也言發德教是以作無不濟求無不獲然

則能樂夫耳納和聲而口出美言耳聞和聲則口有美言此

感於物也以為憲令憲法也而布諸民民以心力行之

不倦成事不貳樂之至也貳變也若視聽不和而

有震眩於是乎有狂悖之言有眩惑之明出令

不信有轉易也刑政放紛動不順時民無據依不知

所力各有離心不知所為盡力上失其民作則不濟求

則不獲其何以能樂三年之中而有離民之器

二焉二謂作大錢鑄大鐘國其危哉王弗聽問之伶州鳩

伶司樂官州鳩名也對曰夫匱財用疲民力以逞淫心逞

也聽之不和比之不度無益於教而離民怒神

非臣之所聞也王不聽卒鑄大鐘財匱故民離樂不和故神

怒也二十四年鐘成伶人告和伶人樂人王謂伶州鳩

曰鐘果和矣對曰未可知也州鳩以為鐘實不和伶人媚王謂之

和故曰王曰何故對曰上作器民備樂之則為

和言聲音之道與政通也今財亡民疲莫不怨恨臣不知

其和也

亂世之音怨以怒故曰不知其和

且民所曹好鮮其不

濟也

曹群也其所曹惡鮮其不廢諺曰衆心成城衆心

所好莫之能敗其固如城

衆口鑠金

鑠消也衆口所毀雖金石猶可消今三

年之中而害金再興焉

害金害民之懼一之廢

也

二金中其一必廢也

王曰爾老耄矣何知二十五年王

崩鐘不和

王崩而言不和明樂人之諛

晉語

武公伐翼弑哀侯止欒共子曰苟無死

共子晉大夫共

叔成也

吾以子爲上卿制晉國之政辭曰成聞之

民生於三事之如一

三君父師也如一服勤至死也

父生之師

教之君食之

食謂祿也

唯其所在則致死焉

在君父爲君父

在師爲師也

人之道也臣敢以私利廢人道乎

謂私利

死爲上卿也

君何以訓矣

無以教爲忠也

從君而貳君焉用

臣貳二心也遂鬪而死

文公問於郭偃

郭偃卜偃

曰始也吾以國爲易

易易治也

今也難對曰君以爲易其難也將至矣君以爲

難其易也將至矣

以爲難而勤修之故其易將至

趙宣子言韓獻子於靈公爲司馬

宣子趙宣孟也獻子韓厥

也司馬掌軍大夫也河曲之役趙孟使人以其乘車于行

干犯也行軍列也獻子執而戮之宣子召而禮之曰吾

聞事君者比而不黨比比義也阿私曰黨夫周以舉義比

也忠信曰周舉以其私黨也夫軍事有死無犯犯而

不隱義也在公為義吾言汝於君懼汝不能也舉而

不能黨孰大焉事君而黨吾何以從政勉之苟

從是行也勉之勸修其志是行今所行也臨長晉國者非汝其

誰臨監也長帥也皆告諸大夫曰二三子可以賀我矣

吾舉厥也而中吾乃今知免於罪矣

叔向見司馬侯之子撫而泣之曰自其父之死

吾莫與比而事君矣昔者其父始之我終之謂有

所造為及諫爭相為終始成其事也我始之夫子終之無不可

可言皆從藉偃在側曰君子有比乎君子周而不比故偃問之叔

向曰君子比而不別比德以贊事比也贊引黨

以封己引取也封厚也利己而忘君別也別為朋黨

楚語

靈王為章華之臺章華地名與伍舉升焉曰美夫對

曰臣聞國君服寵以為美服寵謂以賢受寵服以是為美安民

以為樂以能安民為樂聽德以為聰聽用有德也致遠以為

明能致遠人不聞其以土木之崇高形鏤為美形謂丹楹

鏤謂刻先君莊王為匏居之臺匏居臺名高不過望

國氛氛氣也大不過容宴豆言宴有折俎籩豆之陳木不妨

守備不妨城郭守備之材用不煩官府財用不出府藏也民不廢

時務官不易朝常先君是以除亂克敵而無惡

於諸侯今君為此臺也國民疲焉財用盡焉年

穀敗焉敗廢其時務也百官煩也為之徵發數年乃成臣不

知其美也夫美也者上下外內小大遠邇皆無

害焉故曰美也若於目觀則美於目則美德則不也財用

則匱是聚民利以自封而瘠民也胡美之為厚封也胡何何

以為美以胡何何夫君國者將民之與處民實瘠君安

得肥安得獨肥言將有患故先王之為臺榭也積土為臺無室曰榭

榭不過講軍實講習也軍實戎士也臺不過望氛祥凶氣為氣

吉氣為祥其所不奪穡地稼穡之地其為不匱財用為作也

其事不煩官業業事也其日不廢時務以農隙也瘠磽

之地於是乎為之不害穀土也磽确城守之木於是乎

用之城守之餘然後用之官寮之暇於是乎臨之暇間也四

時之隙於是乎成之隙空夫為臺榭將以教民

利也臺所以望氛祥而備災害榭所以講軍實而禦寇亂皆所以利民也不知其

以匱之也知猶聞也若君謂此美而為之正以為得事之正

也楚其殆矣殆危也

鬪且廷見令尹子常鬪且楚大夫子常囊瓦子常與之語

問畜貨聚馬歸以語其弟曰楚其亡乎不然令

尹其不免乎吾見令尹問畜聚積實如餓豺狼

也實財殆必亡者昔鬪子文三舍令尹無一日之

積恤民之故也積儲也成王每出子文之祿必逃

王止而後復人謂子文曰人生求富而子逃之

何也對曰夫從政者以庇民也庇覆也民多曠者

而我取富焉曠空也是勤民以自封也勤勞也封厚也死

無日矣我逃死非惡富也故莊王之世滅若敖

氏唯子文之後在至于今為楚良臣是不先恤

民而後己之富乎今子常先大夫之後先大夫子囊也

而相楚君無令名於四方四境盈壘盈滿也壘壁也言壘

境之內壁滿四道殣相望道冢曰殣是之不恤而畜聚不厭

其速怨於民多矣速召也積貨滋多蓄怨滋厚不

亡何待期年子常奔鄭

王孫圉聘於晉

王孫圉楚大夫也

定公饗之趙簡子相

問於王孫圉曰楚之白珩猶在乎

珩佩上之橫者

對曰

然簡子曰其為寶也幾何矣

幾何世也

曰未嘗為寶

楚之所寶者觀射父

言以賢為寶也

能作訓辭以行事

於諸侯

言以訓辭交結諸侯也

使無以寡君為口實

口實毀弄

又有左史倚相能道訓典以叙百物

叙次也物事也

以朝夕獻善敗于寡君無忘先王之業又能上

下悅于鬼神

悅媚也

使神無有怨痛于楚國

痛疾也

又有藪曰雲金木竹箭之所生也

楚有雲夢之藪澤也龜

珠齒角皮革羽毛所以備賦以戒不虞者也

龜

以備吉凶珠所以衛火災角所以為弓弩齒所以為弭賦兵賦也

所以供幣帛

以亨於諸侯

亨獻也

寡君其可以免罪於諸侯而

國民保焉

保安也

此楚國之寶也若夫白珩先王

之玩也何寶焉

玩玩弄之物也

韓詩外傳

楚莊王聽朝罷晏樊姬下堂而迎之曰何罷之晏乎莊王曰今者聽忠賢之言不知饑倦也姬

曰王之所謂忠賢者諸侯之客與中國之士與
莊王曰則沈令尹也樊姬掩口而笑王曰姬之
所笑者何等也姬曰妾得侍於王十有一年矣
然妾未嘗不遣人求美人而進於王也與妾同
列者十人賢於妾者二人妾豈不欲擅王之愛
專王之寵哉不敢以私願蔽衆美也今沈令尹
相楚數年矣未嘗見進賢而退不肖也又焉得
爲忠賢乎莊王以樊姬之言告沈令尹令尹進
孫叔敖叔敖治楚三年而楚國霸樊姬之力也

楸作楸

泪作道

高墻豐上激下未必崩也降雨興流潦至則崩
必先矣草木根芟淺未必楸也飄風興暴雨墜
則楸必先矣君子居是國也不崇仁義尊其賢
臣以理萬物未必亡也一旦有非常之變諸侯
交爭人趁車馳泪然禍至乃始愁憂乾喉焦唇
仰天而歎庶幾乎望天之救也不亦晚乎
田饒事魯哀公而不見察謂哀公曰臣將去君
黃鵠舉矣哀公曰何謂也田饒曰君獨不見夫
鷄乎頭戴冠者文也足傅距者武也敵在前敢

鬪者勇也、見食相告者仁也、守夜不失時者信也、雞雖有此五德、君猶烹而食之者何也、則以其所從來者近也、夫黃鵠一舉千里、止君園池、食君魚鼈、啄君黍粱、無此五者、君猶貴之者何也、以其所從來者遠也、臣將去君、黃鵠舉矣、哀公曰、止、吾書子之言也、田饒曰、臣聞食其食者、不毀其器、蔭其樹者、不折其枝、有臣不用、何書其言爲、遂去之、燕燕以爲相、三年、燕政大平、哀公喟然大息、爲之避寢三月、曰、不慎其前、而悔其後、何可復得、

孔子曰、士有五、有執尊貴者、有家富厚者、有資勇悍者、有心智慧者、有貌美好者、執尊貴、不以愛民行義理、而反以暴傲、家富厚、不以振窮救不足、而反以侈靡無度、資勇悍、不以衛上攻戰、而反以侵凌私鬪、心智慧、不以端計數、而反以事姦飾詐、貌美好、不以統朝泄民、而反以蠱女從欲、此五者、所謂士失其美質也、

原天命、治心術、理好惡、適情性、而治道畢矣、原

本書不以物害性矣作不害物性

舊無百字補之

天命則不惑禍福不惑禍福則動靜脩理矣治心術則不安喜怒不安喜怒則賞罰不阿矣理好惡則不貪無用不貪無用則不以物害性矣適情性則欲不過節欲不過節則養性知足矣四者不求於外不假於人反諸已而已

天設其高而日月成明地設其厚而山陵成居上設其道而百事得序

人有六情失之則亂從之則睦故聖王之教其民也必因其情而節之以禮必從其欲而制之以義義簡而備禮易而法去情不遠故民之從命也速

彜作弼

快作決

智如原泉行可以為表儀者人師也智可以砥礪行可以為輔彜者人友也據法守職而不敢為非者人吏也當前快意一呼再諾者人隸也故上主以師為佐中主以友為佐下主以吏為佐危亡之主以隸為佐欲觀其亡必由其下故同明者相見同聽者相聞同志者相從非賢者莫能用賢故輔佐左右所任使有存亡之機得

失之要也可無慎乎、

昔者不出戶而知天下、不闕牖而知天道者、非目能見乎千里之前、非耳能聞乎萬里之外、以己之度度之也、以己之情量之也、己欲衣食焉、亦知天下之欲衣食也、己欲安逸焉、亦知天下之欲安逸也、己有好惡焉、亦知天下之有好惡也、此三者聖王之所以不降席、而匡天下者也、故君子之道、忠恕而已矣、夫饑渴苦血氣、寒暑動肌膚、此四者民之大害也、大害不除、未可敢

御也、四體不掩、則鮮仁人、五藏空虛、則無立士、百姓內不乏食、外不患寒、乃可御以禮矣、

藍有青、而絲假之青於藍、地有黃、而絲假之黃於地、藍青地黃、猶可假也、仁義之士、可不假乎哉、東海之魚、名曰鰈、比目而行、北方有獸、名曰婁、更食更候、南方有鳥、名曰鷦、比翼而飛、夫鳥獸魚、猶知假、而况萬乘之主乎、而獨不知比假、天下之英雄俊士、與之爲伍、則豈不痛哉、故曰、以明扶明、則升于天、以明扶闇、則歸其人、兩瞽

相扶不觸墻木不陷井窞則其幸也

福生於無為而患生於多欲故知足然後富從之德宜君人然後貴從之故貴爵而賤德者雖為天子不貴矣貪物而不知止者雖有天下不富矣夫土地之生物不益山澤之出財有盡懷不富之心而求不益之物挾百倍之欲而求有盡之財是桀紂之所以失其位也

古者必有命民民有能敬長憐孤取舍好讓居事力者命於其君命然後得乘飭車並馬未得

即作則
下即不
即疆同

命者不得乘乘皆有罰故其民雖有餘財侈物而無禮義功德即無所用其餘財物故其民皆興仁義而賤財利賤財利即不爭不爭即疆不凌弱眾不暴寡是唐虞之所以象典刑而民莫犯法民莫犯法而亂斯止矣

趙王使人於楚鼓瑟而遣之曰必如吾言慎無失吾言使者受命伏而不起曰大王鼓瑟未嘗若今日之悲也王曰然瑟固方調使者曰調則可記其柱王曰不可天有燥濕絃有緩急柱有

推移不可記也。使者曰：臣請借此以喻楚之去趙也。千有餘里，且有凶則弔之，吉則賀之，猶柱之有推移，不可記也。故明王之使人也，必慎其所使，既使之，任之以心，不任以辭也。

趙簡子有臣曰周舍，立於門下三日三夜。簡子使問之曰：子欲見寡人何事？周舍對曰：願爲愕愕之臣，墨筆操牘，從君之過，而日有記也，月有成也，歲有效也。簡子居則與之居，出則與之出，居無幾何，而周舍死。簡子後與諸大夫飲於洪

波之臺，酒酣，簡子涕泣，諸大夫皆出走曰：臣有罪而不自知也。簡子曰：大夫無罪，昔者吾友周舍有言曰：千羊之皮，不若一狐之掖，衆人之唯，不若直士之愕愕。昔者紂默默而亡，武王愕愕而昌，今自周舍之死，吾未嘗聞吾過也，吾亡無日矣，是以寡人泣也。

晉平公遊於河而樂，曰：安得賢士與之樂此也？舩人蓋胥跪而對曰：主君亦不好士耳。夫珠出於江海，玉出於崑山，無足而至者，猶主之好之

蓋作蓋

也士有足而不至者蓋主君無好士之意耳何
 患於無士乎平公曰吾食客門左千人門右千
 人朝食不足夕收市賦暮食不足朝收市賦吾
 可謂不好士乎蓋胥對曰夫鴻鵠一舉千里所
 恃者六翮耳背上之毛腹下之毛益一把飛不
 為加高損一把不為加下今君之食客將皆背
 上之毛腹下之毛耳詩曰謀夫孔多是用不就
 此之謂也

就作集

宋燕相齊見逐罷歸之舍召門尉陳饒等二十

升作斗

捏作鄭

六人曰諸大夫有能與我赴諸侯者乎陳饒等
 皆伏而不對燕曰悲乎哉何士大夫易得而難
 用也陳饒對曰非士大夫易得而難用君弗能
 用也君不能用則有不平之心是失之已而責
 諸人也燕曰其說云何對曰三升之稷不足於
 士而君雁鷺有餘粟是君之一過也果園梨栗
 後宮婦女以相提捏而士曾不得一嘗是君之
 二過也綾紈綺縠靡麗於堂從風而弊士曾不
 得以為緣是君之三過也且夫財者君之所輕

也、死者、士之所重也、君不能行君之所輕、而欲使士致其所重、譬猶鉛刀畜之、干將用之、不亦難乎、宋燕曰、是燕之過也、

魏文侯問狐卷子曰、父賢足恃乎、對曰、不足、子賢足恃乎、對曰、不足、兄賢足恃乎、對曰、不足、弟賢足恃乎、對曰、不足、臣賢足恃乎、對曰、不足、文侯勃然作色而怒曰、何也、對曰、父賢不過堯、而丹朱放、子賢不過舜、而瞽叟頑、兄賢不過舜、而象放、弟賢不過周公、而管叔誅、臣賢不過湯武、

而桀紂伐、望人者不至、恃人者不久、君欲治亦從身始、人何可恃乎、詩云、自求伊祐、此之謂也、昔者田子方出、見老馬於道、喟然有志焉、以問於御曰、此何馬、御曰、故公家畜也、疲而不爲用、故出放之、田子方曰、少盡其力、而老弃其身、仁者不爲也、東帛而贖之、窮士聞之、知所歸心矣、魏文侯問李克曰、人有惡乎、對曰、有、夫貴者則賤者惡之、富者則貧者惡之、智者則愚者惡之、文侯曰、行此三者、使人勿惡、可乎、對曰、可、臣聞

貴而下賤則衆弗惡也富能分貧則窮之士弗惡也智而教愚則童蒙者不惡也文侯曰善人主之疾十有二發非有賢醫莫能治也何謂十二發曰痿蹙逆脹滿支膈盲煩喘痺風此之謂也賢醫治之若何曰省事輕刑則痿不作無使小民饑寒則蹙不作無令財貨上流則逆不作無使倉廩積腐則脹不作無使府庫充實則滿不作無使羣臣縱恣則支不作無使下情不上通則膈不作上振恤下則盲不作法令奉用

則煩不作無使下怨則喘不作無使賢人伏匿則痺不作無使百姓歌吟誹謗則風不作夫重臣羣下者人主之心腹支體也心腹支體無害則人主無疾矣故非有賢醫莫能治也人主皆有此十二疾而不用賢醫則國非其國也

齊景公使使於楚楚王與之上九重之臺顧使者曰齊亦有臺若此者乎使者曰吾君有治位之堂土階三尺茅茨不剪采桷不斲猶以爲爲之者勞居之者泰吾君惡有若此者乎於是楚

怍作愧

羣書治要

卷之八

二十九

王怍如也

羣書治要卷第八

